

罪
惟
錄



罪惟錄附紀卷之十八

安宗簡皇帝

安宗簡皇帝、顯皇帝孫、福王常洵世子也、名由松、福

初

封懷慶、遷河南、崇禎十四年、賊自成陷河南、王被難、尚書

呂維祺承奉崔林死之、世子以宮眷、裸奔懷慶、及懷慶陷、

與母鄒太妃及繼妃李氏出奔、半道失、單身依潞王衛輝、

甲申三月、帝殉社稷、衛輝復不守、世子隨潞王南奔、懋尉

氏、遇周王故宮人童氏、呼共逆旅、客尉氏者、四十日、童氏

有娠、誓富貴、毋忘己、而胎不舉、與奔許州、得遇母太妃、而

李氏竟失、尋被劫、世子棄許、復南奔、太妃童氏再失、

夏四月、與潞崇二王及周世孫共棲淮上、蓋南都至是始
得立問、兵部尚書史可法、工部尚書高弘圖、都御史張慎
言、京畿道御史祁彪佳、集諸臣中府、會議冊立、國子祭酒
姜曰廣、後至、曰、今社稷為重矣、彪佳可法曰、中興之辟、非
守文、繼體、可辨、時潞王慈易有聲、曰、廣移書鳳陽、巡撫馬
士英、畧見主賢大意、而士英已先同南奔、諸鎮謁世子舟
中、私謂翼戴、遂與諸鎮黃得功、高傑等、馳檄請福藩親貴
莫與京、於是魏國公徐弘璧、合諸臣筭迎世子浦口、既至、
衆議猶未決、吏部主事李沾曰、有異議者、死、殉之、誠意伯
劉孔昭、太監韓贊、固力讚、沾議、五月之四日、福世子即監

國位、謁享殿、行祭告禮、問懿文皇太子寢園、謁奉先殿、詣
及先帝為注下、以內守備府為行宮、百官行四拜禮、謙讓
再三、并述未堪多難之意、可法首進戰守大計、請素服郊
次、發師討賊、示天下報讐大義、諸臣各上中興大政數事、
監國唯唯、以美曰、廣高洪圖史、可法王鐸皆原官、晉東閣
大學士、而馬士英以大學士兼兵部尚書、都御史總督如
故、張慎言為吏部尚書、呂大器解學龍左右侍郎、周堪廣
戶部尚書、徐有範張有譽左右侍郎、以張國維協理戎政
尚書、賀世壽為刑部左侍郎、何應瑞工部左侍郎、劉士楨
通政使、王廷梅應天府尹、鄭維經為府丞、改李沾太常寺

少卿、韓贊周為司禮太監、補科臣陳泰來等十一人。泰來及左懋第

李清、羅萬象、姜應甲、張元始、章朝、補吏部諸司華允誠等

薦馬嘉植、沈從培、鍾斗熊、開元、五人、葉廷秀、王重等、補兵部諸司李向中等四人。向中、吳奇、偉

吳國龍、餘各陞賞有差。起劉宗周原官左都御史、徐石麒

以右僉都御史、管左副都事。祁彪佳以右僉都御史、安撫

蘇松、鄭洪遠為右都督僉事、鎮守鎮江等處、都督僉事黃

蜚改鎮九江、是月之望、閣臣士英不通群議、輒上尊號

監國、即真鑄國寶、金代之以、明年為弘光元年、大赦、先是

金聲以原官御史起用、疏請監國、即軍中議大行皇帝位

曰、如親經哭臨、迨事定而後即位、安撫彪佳與誠意孔昭

復爭之。不得。劉宗周在道。疏辭新銜。亦請暫稱行在。決策。親。狂。駐。師。中。都。以。圖。進。取。報。聞。改。內。官。監。盧。九。德。為。司。禮。監。秉。筆。提。督。京。營。而。忻。誠。伯。趙。之。龍。總。督。京。營。戎。政。晉。寧。南。伯。左。良。玉。為。侯。良。玉。受。詔。不。拜。以。顧。錫。疇。為。禮。部。尚。書。黃。道。周。為。吏。部。右。侍。郎。兼。翰。林。學。士。高。倬。工。部。右。侍。郎。羅。大。任。國。子。監。祭。酒。侯。峒。曾。左。通。政。使。鄭。瑄。大。理。寺。卿。以。田。仰。巡。撫。淮。揚。晉。兵。部。右。侍。郎。楚。撫。何。騰。蛟。以。兵。部。左。侍。郎。總。督。川。湖。黔。鄖。騰。蛟。感。星。緯。之。變。奏。舉。朝。臣。工。和。氣。體。國。以。回。天。意。且。請。練。兵。湖。南。北。以。歷。寧。南。駕。驀。從。之。詔。潞。王。暫。居。杭。州。上。熹。宗。張。皇。后。尊。謚。及。大。行。皇。帝。廟。謚。思。宗。烈。

皇帝。忻城之龍以思非美號請改尊福王恭皇帝、太妃鄒氏皇太后、禮部尚書錫疇、薦吏部司官林胤昌科、臣懼式報并總鎮陳洪範可北使、釋高墻罪宗七十五案、凡三百四十一人。六月、建恭皇帝專廟、設四鎮、將於江北加封黃、得功為靖南侯、封高傑興平伯、劉澤清東平伯、劉良佐廣昌伯、填之。每兵二萬、歲每本色米二十萬石、折色銀四十萬兩、分汛後、各屬兵馬錢糧悉聽取用、凡恢一城、即為所轄。起廢科、臣章正宸、熊汝霖、姜埰等。臺臣徐殿臣、李之春等。九卿畢茂康等。共四十六員。起原任武德道雷演祚為按察使、主保舉之法、以通銓政、填危疆、為守令。是時諸賢

總應野無留隱。拭目太平。賊獻忠自長沙浮橋濟師。陷夔
州。連陷涪州。巡撫陳士奇捷忠州。再捷梁山。扼守重慶。力
竭。城陷。瑞王闔宮被難。士奇及守道陳縵死。賊以新手
徇州縣。疾陷成都。蜀王被難。新舊撫臣龍文光徐可求咸
死。獻忠僭尊號。為稱大西。改元大順。時郡縣殉難者成
都知府王行儉。南溪知縣王碩輔。灌縣知縣左重。梓潼知
縣洪維翰。已縣知縣王錫。資陽知縣賀霍存。興文教諭劉
希文等。而總兵趙光遠時已降賊。閩部士英誤有所聞。猶
請降。勅獎之。河南推官陳濬夫保周王南渡。巡道劉温以
賊逼移駐項城。潛夫保杞。招土寇姜道一。合平西將軍劉

洪起擒偽官安中外等五人。上捷。擢御史。即按河南、真定、
知府丘茂華復收所屬城邑。聞請疾。授不報。漕撫路振飛
駐淮。與御史王熒集兵。夫偽。噴制將軍董學禮於宿遷。百
姓開起。殺之。復擒殺偽官呂弼周、王富、胡來賀、朱自成、李
魁春。及癸未進士武懷等。以聞。并請親征。願為前驅。璽書
褒慰。於是德州諸生謝陞以鄉兵從。原任遼撫黎玉田、御
史盧世滄、貢士馮元錄、追殺偽防禦閻際等一十八人。濟
寧都司李允和、殺偽官劉濬、尹宗衡、張周行、傅龍等九人。
馳復南都。亦並褒。召主事監軍凌嗣南至臨清。部鄉徒詭
迎偽防禦王皇極。殺之。乘勝追斬偽官數人。報捷。且云南

師宜乎臨清。權宜北。合兵西伐。實作東。臣足一動。臨清。以上。便非我有。望兵如歲。萬勿失時。不省時。李賊初敗。欲棄關中。下禹門。詔分汛。爭陵。以東至歸德。屬總兵王之剛。以西至蒲陽。屬許定國。祥符。以西至沁水。屬劉洪起。河洛屬李際遇。頗有斬獲。副將劉洪郭從寬。擒郟陵偽官王度。及許州偽巡捕王靖之。剛斬偽都司虞世傑。洪起擒汝寧偽官祝永苞。及上蔡偽令章世遇。定國擒陳州偽官惠在一。各加級有差。會御史陳潛夫。報去。以凌駟代。巡按河南。駐沈丘。北師懸兵科給事中。招駟。駟不受。以徐沂為少詹。兼侍讀學士。沂遺教嘗事賊。不討。讐不復。不書即位。春。

秋之義也。恐有為口實者矣。且曰：不能收君子之用，無以
服小人之心。吏部尚書張慎言議：北京南歸諸臣，或係脅
從，並宜酌用。誠意伯孔昭私以擁戴功未錄，譁於朝。御史
王孫蕃訐孔昭干預閣臣弘圖，曰：廣以為文武各有職掌，
宸陛幾如訟庭，請罷詔兩解之。傳諭叅將王之剛迎聖母，
於河南鄭家寨常守義家。
秋七月，北師傳檄至濟寧，令官吏出迎。鎮臣高傑議守河
北，以保江南。勿止視瓜儀浦，乘為金陵。開戶建陽知縣蔣
崇三請勤王報聞。時大興工役，起沉木江中，數千以為神。
置天財庫內廷，不關戶部稽察。北使副將唐起龍招撫江

南以攝政王書致可法責以故君未葬新君不得即位可
法引先武昭烈晉元末高故事以答且曰鞠躬致命所以
為報也。晉勳臣徐弘基以下各官銜級廕祿賜有差給事
中羅萬象首請嚴禁濫授於是御史李模刑部侍郎賀世
壽等次第言之報聞誠意伯孔昭奏封疆大事官罪與逆
業等御史陳良弼劾詞臣項煜在邊混進與平伯傑越汎
以兵入妻子揚州百姓慮其殘閉閩噪傑主殺鄉紳鄭元
勳之袒傑者請南侯得功以兵格之監軍郎中萬元吉馳
溫旨調和我政張國維疏恢勦大略并請罷輸納例從之
詹事管紹寧奏請奉迎先帝祥宮及皇太子諸王萬福慰

諭西北文武諸臣并勞苦總兵吳三桂吏科馮嘉植亦疏
及之禮部尚書顧錫疇隨請肅清宮禁慰安九廟謁問陵
寢速圖進取并請正文震孟之謚文忠禮部尚書羅喻義之
謚文介少詹姚希孟之謚文毅奪大學士溫體仁之謚文
忠未幾以祭海攝事入閩加河北總兵卜從善官二級以
左懋第為太僕寺卿應天府丞郭維經疏請明功罪飭是
非報可給事中熊汝霖上言山東諸郡未宜遽棄北幣之
舉萬不容格同官陳子龍復申及之論定策功加可法少
保太子太保進武英殿廕一子錦衣衛僉事世襲而士英
太子太保廕襲如可法餘皆進爵有差潯督袁繼咸表請

親。且。密。言。寧。南。驕。蹇。薦。在。籍。揚。廷。麟。葉。廷。秀。吳。姓。等。起。
用。錢。謙。益。夏。允。彝。文。德。翼。嚴。錫。命。加。繼。咸。兵。部。尚。書。燕。石。
會。都。御。史。總。督。江。右。應。皖。等。處。特。旨。存。問。大。學。士。禮。部。尚。
書。傅。冠。改。葉。廷。秀。為。御。史。八。月。議。大。婚。右。僉。都。御。史。扈。佳。
言。妙。選。須。聖。如。迎。之。後。因。言。諸。臣。不。宜。踰。格。陞。遷。時。閣。
部。士。英。內。侍。權。銓。補。漸。奉。中。旨。不。由。廷。推。頗。尚。搜。察。彪。佳。
又。言。弊。政。詔。獄。緝。事。廷。杖。三。事。不。可。任。與。平。伯。傑。兵。出。開。
歸。呼。餉。不。應。閩。部。可。法。上。疏。以。為。名。器。濫。觴。工。役。繁。費。而。
大。警。在。目。一。兵。未。加。恐。偏。安。亦。未。易。幾。也。不。報。以。傑。獲。盜。
功。加。可。法。太。傅。晉。謝。陞。上。柱。國。少。卿。太。子。太。保。燕。禮。部。尚。

書詔祭告鳳泗兩陵以可法攝行還奏賢奸莫辨威斷不
靈○濫○恩○施○開○告○家○數○事○語○痛○切○不○報○閣○部○士○英○稱○阮○大○鉞
知兵奉內旨起兵部右侍郎閣臣高弘圖請遵例下九卿
會議且曰必會議於大鉞更光明士英曰臣非受其賄何
所不光明因為大鉞奏辨并許高姜為欺國加圖曰廣並
乞休不許府丞維經曰逆案成於先帝之手今實錄將修安
得抹殺給事中羅萬象曰大鉞未必知兵恐燕子箋春燈
謎○即○枕○上○之○陰○符○袖○中○之○黃○石○也○御○史○詹○北○恒○曰○大○鉞○一
起○上○傷○在○天○之○靈○下○短○忠○良○之○氣○關○係○不○小○時○萬○元○吉○轉
太僕少卿與懷遠侯常延齡御史陳良弼王孫嵩左先先

兵部郎中尹民興等次第疏爭。而吏部侍郎呂大器并攻御史越其杰。都御史田仰揚文懿等為馬黨。曰廣至三疏求去。詞益迫切。並不報。大鉞入對。上四策。三要十四隙。稱旨。陞江防兵部尚書。於是光祿寺卿許譽卿、左通政使侯峒曾、吏部主事華允誠、合詞求去。不許。吏科熊汝霖、通政使劉士楨、復力爭之。不報。曰廣曰。墨勅斜封。再見矣。所可恨者。陰持會推之柄。陽避中旨之名。明指士英、士英、喉。曰鎮。毒訊曰廣。復令建安鎮國中尉朱統纘奏曰。廣初有異心。科臣袁彭年啟以非例。宜付刑部。不問。科臣汝霖、通政使士楨、復爭之。不聽。士英因大言。陛下四讐不報。曰廣其

一也。發神廟時擬擊一案，以激上怒。出曰：廣初冊立時原書示同官曰：策陛下非其意也。於是誠意伯孔昭唾曰：廣於朝房同官可法遂請出督師揚州。大學士陳方策等數百人詣闕上書謂不當外處可法不聽。加可法太子太師以行。而曰：廣求去益迫。會皇太后且至京，加太子太保許致仕去。太常卿李沾因自陳定策時爭執狀，并論呂大器之心可疑。吏部尚書張慎言甫受事三日，及大器並罷位去。時科臣章正宸疏爭中旨，閣臣和國票擬不合，發改再三。弘圖曰：臣死不敢將順乞歸。從之。擢李沾左都御史，晉撫寧侯朱國瑞為保國公，改授朱統鑣為行人司，起張捷吏部

尚書楊維垣為通政使。遷劉士楨兵部右侍郎。群臣交章論劾。科臣熊汝霖至。以捷為國賊。士楨頗不恤人言。江督繼咸疏留。曰：「廣不得隨以六事規切上躬。不省草莽臣劉宗周直許。閣臣士英以為不與問罪之師。止營定策之賞。哀詔不下。逆案復張。又曰：「中朝之黨事方興。何暇圖河北之賊。并及京營。不且以太監盧九德主之。士英復理宗周不臣。令鎮臣澤清等合糾之。宗周謝病去。士英復疑彪佳與宗周共事。會大鉞素啣御史左光先之兄光斗。因坐光先降誅。叛賊許都一案。以為激變。彪佳爭之。謂一月定亂功最。忤大鉞。遂嗾御史張孫振并劾彪佳。坐以登極時曾

有二議。彪佳亦病去。太后至自河南。諭所司括萬金。倍賞科部請節省。不能。封太后弟鄒存義為大興伯。福邸千戶。常應俊為襄衛伯。應俊係草工。初從上避難。負上。雪中數十里。稱危。駕功。擢青浦知縣。陳煥中書舍人。及王鏊。王無黨。錦衣衛世指揮使。科臣陳子龍。疏請慎名器。極言內降之非。不報。禮部尚書顧錫疇爭之。不得。同論張有譽。不由廷推。非制。請罷廠衛。禁中官之私買女口。并劾張孫振。不可用。觸時忌。以堊文假歸。卧不起。加徐石麒吏部尚書。會內侍私有所囑。石麒執祖制不行。士英又曲庇。御史黃耳鼎。石麒爭之。耳鼎遂追持前陳新甲主款一案。反劾石麒。

石麒曰。新甲坐階親藩。七恭皇帝。非其一乎。稱病去。詔選
內員宮女。閨卷駭然。言官李維樾。陳子龍。合疏諫。不聽。以
中允衛胤文。兼兵科給事中。監興平軍。以薊遼總督王永
吉。經畧山東河北。總督河南。勸農太僕寺卿。監軍萬元吉。
疏請群臣洗濯肺腑。共圖實著。并懇追卹陣亡將士。白舊
督趙光忭之冤。建文年號。宜復。景皇帝廟號。宜崇。遜國諸臣
謚。廢。宜補。崇禎末殉國諸臣。宜卹。並請追補開國勲臣。傳
友德。馮勝。兩謚。上可之。丙進。上建文惠宗。讓皇帝。景泰。代
宗。景皇帝。賜甲申殉難文臣二十二人。勲臣二人。戚臣一
人。塋。贈廢祠。謚有差。廟額旌忠。賜生員殉國許瑛。從祀。楊

廷麟補翰林原官旋與吏部夏久彞華允誠等以黨事起
並解組歸當事忌淮撫路振飛威幹坐貪功靡餉奪任去
府丞郭維經再請洗刷刻薄徇私恩怨故智一以辨賊復
讐為事不省特內廷官寺五十三人日夜秘戲上樂而忘
之朝政一惟士英裁決宗貢原任安縣知縣朱議漉疏印
報遺失數事宜察如面此本兵張縉彥廷推南部職方即
中萬元吉等件湖廣巡按御史黃澍入朝面訐士英權恣
士英賂福邸舊閣田成張執中等為解免士英隨疏逆魏
案中大半是正人君子之流科臣袁彭年爭之且極言解
事之害忤旨謫浙江按察使照磨赦原任大學士吳姓成

所許陛見。誠意伯孔昭廷劾之。御史李模上言。皇上既不
以得位為利。諸臣安得以定策為功。惟刻刻自認為先帝
之罪臣。方着着實劾。目今之勝着。且曰經國有體。勿以大
僚而過繁。拜下宜嚴。勿以泰交而稍越。繁縷可惜。勿以近
侍而稍寬。九月。封福建總兵官鄭芝龍為南安伯。詔童子
就試督學。先上金。郡縣有額。溧陽知縣李思謨不奉。令坐
削職去。出內使。蘓抗窮採珠麈。以脩三宮之選。司業兼禮
部尚書管紹寧請告去。召降賊錦衣衛都督劉儕補原官。
鎮臣澤清大治宅第。道暹淮上。科臣汝霖請以前任鳳督
朱大典奉命北使。鎮將黃得功。堪與共事。不報。尋條明從。

逆罪案。請卹布衣楊文瓊。且直指中書。謂厥衛之設。飛章
告密。內外交通。神器互借。兵餉戩守。四字改為異同。息怒
四字不亡。何待。語蘊激。罰俸一年。兵部侍郎士楨。請塞倖
竇。薦在籍編脩。劉同升。可用。留中。御史詹起恒。疏論朝事
紛紛。營其緩者。小者。私者。至是。蔑視宰輔。訶辱冢臣。大為
失體。語極痛至。同官周元泰。亦云。兼請料理楚蜀。上游。報
聞。以何應瑞為太常少卿。起陳子壯為禮部尚書。管詹事
府事。陞徐汧。吳偉業。為少詹事。錢謙益為禮部尚書。御史
陳良弼。廷劾謙益。不可用。我政張國維。奏今日自中。討逆
賊之外。別無執掌。何暇以有限精神。分於恩怨。前車可鑒。

能不寒心。陞解學龍刑部尚書。定逆案。除在北京何應徵
等二十二人。三年後定奪外。所坐六等一等應磔。宋郊等
十一人。二等應斬。長繫秋決。光時亨等四人。三等應絞。擬
贖。陳名憂等七人。四等應戍。擬贖。王孫蕙等十五人。五等
應徙。擬贖。沈元龍等十人。六等應杖。擬贖。潘同春等八人。
存疑。另擬。翁元益等二十八人。保國公國弼等合糾刑官
六失。御史張孫振復言。北來諸臣。乃賊棄之而來。非棄賊
而來也。學龍坐奪職。以高倬代之。吏部侍郎黃道周撰經
筵講章論四鎮。必不為用。且曰。此日所可言者寡矣。奉命
攝祭禹陵。原任都御史方震孺。李光泰。給事中李維楨。知

府陳亨各請捐餉募兵入衛。開納事例時，有掃盡江南錢、
填塞馬家口之謠。黃金價貴，京師號曰馬金。金值白金十
五。
冬十月，脩興寧宮，建慈禧殿。國用乏，但練湖稅、洋船、瓜儀、
掣鹽、蘆洲升課，甚至權酷升一文奉化布衣方翼明抗疏
論朝事，逮刑部究擬。諸生何光顯疏請立誅馬士英、劉孔
昭、卞吉、付、西市籍其家進士吳易、草中興四議。大要謂忠
臣義士報君死國，須及其鋒用之。西淮者，江表之藩籬，荆
襄者，上游之門戶，急宜留意。諸鎮之兵積驕而惰，須更張
之。書成，嘆曰：馬金用事時，此何為？遂不果上。廟門穴戶科

吳廷上言日講宜行。午朝宜舉。不省陞左懋第右僉都御
 史。巡撫應安等七府。加御史陳蓋監軍。主召募懋第驚聞
 毋變。自請同鎮。臣北使便負。毋骸骨歸。吏耕料臣事章正宸
 疏曰。進取不銳。則守禦必不堅。急宜聯絡諸路。分渡河淮。
 使兩京血脉通。而後塞井徑。絕孟津。據武關。以攻隴右。此
 大計也。報聞。長庚見東方。芒角飛爍。中有刃劍。旗幟車馬
 影。大小長短。倏忽變鳳陽。祖陵疊災。地一日三震。有聲如
 吼。十一月。詔以定海都督水師陳洪範加太子太傅。副使
 北講。加懋第兵部右侍郎。經理河北。聯絡關東軍務。為正
 使。以兵部職方司郎中加太僕卿馬紹愉。兵部司務陳用

極等同行奉國書通問致金幣莫安梓宮察樞陵寢封寧
遠總兵吳三桂為薊國公世襲資銀米懋第累棄不釋至
北境上必拘館伴奉迎之禮講事不成被繫洪範以私款
得遣還懋第誓死百勸不降與陳用極等五人同難事在
使節傳鎮將高傑屯徐州約淮南鎮將劉澤清合力進擊
澤清不應傑誘殺敵間程繼孔詔加太子太傅北師寓書
傑招降傑報書肅王誓無二十二月有僧大悲冒稱定王
語顛亂付西市楊維垣遽轉副都御史與馬阮因緣作奸
衆正咸引去維垣遂與吏部尚書拔勇翻三案請重頒三
朝要典追卹三案被罪諸臣於是吳孔嘉袁弘勳等復請

要典之中、參列當日奏疏、以存其實、仍追論焚要典諸臣
之罪、及得罪考亭太后先莊妣者、士、英、皆為主行、江督袁
繼成、疏、知之、有旨、皇祖考皇考無妄之誣、豈可不雪、事在青史、
非宿憾、寧南良玉亦上言、要典治亂所關、勿聽邪惑、致興
大獄、報聞、陳洪、範南還、請卹使北勞臣、兵科戴英謂北好
未成、正使不送、劾止之、加左良玉太子太傅、世襲指揮使、
開藩武昌、子夢庚都督僉事、掛平賊將軍印、士英、啖楚宗
朱盛、濃、訐御史黃澍、毀制辱宗、婪賄激變、逮不至、濃得為
池州推官、吏部尚書捷、黜陟顛倒、惟阮大鍼手、給事中吳
适、不避權要、屢啟奏之、同官袁彭年疏請更置要地督撫、

不聽。陞維垣左都御史、兵部尚書。大鉞駐江防，選制朝政。
蔡奕琛以吏部左侍郎入閣辦事，尚書捷請復溫體仁原
謚文忠，而文震益不宜一例。京師謠曰：馬阮、張揚國、事乖
張保國、公朱純臣已屈賊，為賊所殺，捷請以張輔例封王。
閣臣士英與票擬捷復，請卹初附外戚鄭氏諸臣，有旨。劉
廷元等九人各謚，廕祭葬。徐養先等六人各贈官祭葬。王
紹徽等各復原官。大禁後社文字，收書賈燕益所罪之時。
黨事益盛，可法上書爭之，不省。閣部士英奏楊御蕃五載
戰功，着進左都督。馬進忠、王允成並加太子太保，以剪除
群賊功，加士英太保，王鐸少傅。除夕，上在興寧宮，意忽不

天元

天元

樂。太監韓贊周曰：新宮姑安之上曰：非以是。黎園殊少佳者。贊周泣曰：奴惟令節。或思皇考。或傷先帝。領及此耶。

弘光元年。隆武乙酉春正月朔。日有食之。朝賀畢。士英特

請吏部尚書張捷。及太監盧九德。勅命。遇至是八之日。流

星入紫微。江督繼成表賀元旦。因言三案不宜。追論新泰

蔡中書不宜。兩怨滋多。屬賊既敗。江南不能無事。請急做

督撫。以權俾善用。左不聽。求去不許。科臣吳适上維新五

事。信詔旨。核人才。儲邊才。伸國法。明言責。不省補。彭期生

湖西兵備道。晉郭維經。兵部尚書。維經與士英不協。遇事歸

之士英。矯旨。全降級視事。官詹余煌在籍。馳書諷大臣。頗

觸時忌。起陳忠輝監軍河南。尋改督城。全圖北固。間我政。
張國維請告去。楊廷樞以薦授翰林院編脩。兼兵科給事。
中學士徐沂病歸。駐彰德。總兵許定國計殺興平伯高傑。
傑部蕩寇將軍王之剛攻定國。定國以城北降。詔卹傑。襲
廢祭。葬以其故部李本身為左都督。加太子太保。提督本
鎮。赴歸德。加監軍衛胤文兵部尚書。與巡撫王永吉料理
三鎮。汀州簾子洞賊王猪婆受撫。勤王半道散去。殿功成。
輔臣以下叙廢。有差。二月。賜兵部尚書阮大鍼蟒玉。大鍼薦
士英子錫為總兵。主護衛士英同鄉楊文驄子昂。驟膺節
鉞。京師諺曰。楊馬成群。不得太平。叛將定國反攻河南。破

鄆城。巡按御史凌駟移鎮歸德。歸德絕兵。李際遇邀蕩寇
之。剛北降之。剛不可與興平伯李仲興南遁。歸德被圍急。
知府董度知縣吳靳忠開門降。監軍道吳汝琦知縣蔡鳳
不屈死之。北師逼降駟。駟同間與兄子潤生。咸自縊。萊州
被圍。原任工部侍郎采玟與諸父勳。部應亨。畫策城守。城
破。咸死之。北師至夏鎮。別徙濟寧。南下。可法移鎮泗州。檄
諸師北禦。不應。詔下王妣童氏獄。擬妖婦。建偽皇太子於
金華之觀音寺。謀視不識。中外諸臣咸誤為真。上書爭之。
會給事中李清請修先帝實錄及改謚號。并上先太子二
王謚。詔定皇太子謚獻慈。永王曰悼。定王曰哀。改先帝謚。

號毅宗烈皇帝。士英冀以絕太子之疑。疑益甚。陞瞿式耜
都御史。巡撫廣西。各鎮合詞薦起朱大典。兵部尚書。協理
戎政。御史張孫振劾在告禮部尚書顧錫疇。致仕。去。自二
月以來。日月色過赤。踰常時。原任中允李明睿泛海南歸。
三月朔。移偽太子入宮。尋下中城獄。會審。係王之明。假冒
是實。有肯王之明。勿驟加刑。俟正告天下。然後盡法。尋諭
拷究。穆虎主使附逆。時有男子詹自。值便服。直入武英殿。
南面御帳中。語顛亂。不可錄。踰日。風顛白應元者。亦闖入
殿。衛士訶不能止。語更不恭。並付西市。設壇望祭先帝。忌
日。尚書大鉞後至。路哭曰。致先帝。三月十九日者。東林諸

公也。願陰弒之。侍即何楷督撫袁繼咸巡撫何騰蛟以王之明。巡讀為明之王。咸涕泣。跪爭。而寧南侯良玉內畏閹逼。遠原任御史黃澍被逮。急力勸良玉以兵東下。借太子為兵端。挾文武二十七人合疏名清君側。數士英八大罪。邀繼咸騰蛟軍中。騰蛟夜起投水。卒不死。脫去。而繼咸寒上書自白。請勿疎北禦。左兵掠九江。夜火烙城中。士英懼。矯旨靖南。得功率諸鎮鄭鴻達黃蜚等數十郡。恟搗上流。左部方國安私以四千人歸朝廷。父攻良玉。良玉病頗悔。嘔血死。子夢辰不發喪。偽為太子。檄下軍中。激衆怒。時江北諸臣單北師臨河。士英欲以失機坐尚書。郭維經都人

數千叩關乞免。革職去。改王永吉總河。督師雖安鳳廬。駐
徐州。巡撫錢繼登駐揚州。叅政馬鳴寔駐江陰。副使卞司
奇駐京口。都御史楊文驄專監鎮軍。決從逆光時亨。周鍾
武懷於市。先是兵部尚書解學龍被劾。逆案未定。鎮遠侯
常延齡乞急。被逆黨。遂先定詔。日。茲項煜陳名。夏與時亨
鍾五人等罪案。時鍾兄禮部員外鑣為鍾解免。詔鑣與雷
演祚共勒自盡。文可法自劾。師久無功。琉球國遣使入貢。
且請釐封。給事中陳燕翼行人韓元勳。性
憂四月。北師益急。求吉檄督師可法。及監軍衛胤文。協守
可法疾呼。諸師不應入都。欲面陳。機密士共沮之。咫尺不

得見天子、可法御弟、還泗州、北師逼、退保揚州、士英請更鑄
各衙門印、去南京二字、十九日、上召對便殿、大理寺卿姚
思孝、尚寶司丞李之春、給事中吳希哲、合詞、宜先防淮揚
次及鳳廬、上諭士英、左兵似不習、反叛應專心、北堵士英
大聲曰、此皆良玉兒黨之言、士英不能與共朝廷也、是時
上流一再捷、論功、加黃得功、靖國公鄭鴻達、靖遠伯世襲
加朱大典、阮大鍼、太子太保張杰、馮得功、鄭彩、黃蜚、皆錦
衣千百戶、世襲、其劉孔昭、黃斌卿、方國安、趙民性、卜從善、
社弘域、張鵬翼、楊振宗等、咸陞賞、有差、慶唐既敗、挾江督
繼威北降、繼威不屈死之、太監田成等、次第上淑女、都下

得七十人。最元氏程氏、杭五人。內王氏者中選。又周書辦
自獻女一人。詔次日入元輝殿。上親覽焉。二十三日。北師
渡河。如無人。百姓王詔奏鎮兵南避。抄掠狀不問。以楊文
驄巡撫蘇松五府。北師由天長六合南下。廣昌伯良佐以
其衆北降。東平伯澤清屯淮南觀望。北師攻揚州。城中兵
僅三千人。可法三疏乞援。報聞。北豫王復以書招可法。可
法不啓。曰。國朝無降宰相。城破死之時。同難者為監軍道
吳爾璫。督餉僉事黃鉉。兵部員外何剛。主事施鳳儀。知府
任民育。晉糧通判吳道隆。及僑寓原任兵部侍郎張伯鯨。
兵部尚書衛胤文。又禮賢館諸替畫不悉。姓名總兵馬應

奎、副總兵乙那才、參將李預等二十七人、鎮臣澤清聞揚
州破、欲浮海入浙、適風壞巨艦百餘、遂北降、而所屬張鵬
翼、李士璉、張國柱等諸隊入海、依巡撫田仰、索明、御史梁雲
構、請召黃得功、劉澤清入衛。不果。五月朔、尚書捷報至、百
官稱賀、時群集清議堂、率不語、大率納款北師者也。越五
日、北師從天寧洲渡江、金陵震、士英計無所出、初十日召
優伶入大內、上與太監韓贊、周屈尚、忠田、成等裸坐酣飲、
二鼓、上侍太后、携一妃、內官皆跨馬輕裝、潛從聚寶門出、
百官無知者、獨士英、以方國安兵數十、從歷茅山、茅山鄉
民恨士英入骨、開起劫之上倉卒走蕪湖、得功軍失、太后

所在、同安、護士、英、棄上、竟南、下、趨杭州、忻城伯、戎、政、趙之
龍、出、示、安、民、曰、此、土、已、上、壽、北、朝、矣、太、后、聞、關、七、日、始、得
詣、杭、時、潞、王、暫、居、杭、州、士、英、以、太、后、諭、奉、潞、王、監、國、得、功
第、一、見、上、驚、曰、陛、下、失、所、重、矣、即、奈、何、上、登、鎮、南、將、軍、翁
之、琪、舟、方、議、南、遷、而、廣、昌、良、佐、及、潯、國、前、鋒、馬、得、功、時、已
北、歸、勒、靖、國、勿、南、向、得、功、不、從、自、到、於、是、步、將、田、雄、振、上
去、琪、板、不、及、投、水、死、禮、部、尚、書、錢、謙、益、與、忻、城、伯、之、龍、咸
奉、表、出、百、里、郊、迎、北、師、金、陵、既、夜、失、帝、有、好、事、者、呼、閭、巷
七、八、十、人、業、王、之、明、出、獄、納、武、英、殿、高、坐、嵩、呼、行、五、拜、三
叩、頭、禮、傳、示、舉、義、報、警、先、是、閣、臣、鐸、以、他、事、坐、逮、獄、之、明

張捷等死

至是出之、并召高夢箕於獄、與鐸並為大學士、旋抄馬阮
 私第已盡、次及楊維垣、陳盟之家、北師入前、諸好事盡散
 匿、王之明敞固被執、不終、兵部尚書維垣自盡、妻朱孔咸
 投繯從之、吏部尚書張捷、刑部尚書高倬、工部尚書何應
 瑞亦皆投繯盡、戶部郎中劉成治、兵科給事中劉廷弼、並
 自裁、中書舍人龔廷祥投武定橋水死、同官朱熈亦水死
 熈子鄉薦伯俞自盡、禮部主事黃端伯高卧不、見折
 入詔、豫王以巡撫招之、不受、就刑、部主事吳嘉奉
 差至丹陽、聞變自經、宋揚忠、襄墓道、欽天監挈壹博士陳
 於楷亦自經、原任御史陳潛夫出獄走浙、誠意伯孔昭

卷一百一十五

已

二

入海國子生吳可冀繫死雞鳴寺

繆祠

所受授泮水死馬小瑞與百川橋

見授秦淮河死

豫王駐天壇田雄以所執至王宴之

王之明之下責

不能答一語且曰大兵尚在揚州

初柳下義教

乎意歸罪閣部士英上汗出浹背從北去守監國

報皇帝之傳

論曰東林諸公徒然數百口爭之至放秦推跌破壞

不悔奪諸鄭氏之手而卒從鄭氏再傳失之然則鄭氏

誠欲貴其所出誠不貴其所出也處堂之娛片短兒子

最奇此數祖鄭者又身其事

罪惟錄附紀卷之十九

魯王監國附

魯王名以海太祖第十子荒王檀十傳為王。天安粹朗、性慈易、能書法、諳歌吟。甲申、南襲討四月、而北師入兗州、

王南奔浙西、駐台州。

乙酉

弘光元年

夏五月、金陵不守、北師破

潞

聞

閏六月

有○三○日○浙○東○西○及○江○以○南○縉○紳○叛○競○舞○槊○起○自○城○守○外○窮○鄉○僻○澁○各○自○為○屯○不○崇○朝○一○十○里○生○員○鄭○遵○謙○紹○興○自○稱○正○統○制○將○軍○一○呼○從○之○者○且○殺○新○

縣彭萬里

縣孫熊

原推官陶達情

欵加道。以其得民。復原任。時總兵方國安以兵護閣部

馬士英南下。原任征倭將軍王之仁。令子鴻謙權代鎮定

海。部兵合堵西興渡。遵謙屯小豐。檄防江諸義鄉紳熊汝

霧錢肅樂。來其之孫嘉績。王紹美。

璜。諸生周

晉。襄鄭。瀚。張玉鉉。董志寧。華夏

楊克仲。馮京

第等。偕馬王二總兵。合表迎魯王於台州。

秋七月。魯王至自台州。監國紹興。即分守道。署為監國

府。時唐王聿鍵。已于前月稱尊八閩。改元隆武。不奉

唐朝。以明年為監國元年。起故大學士方逢年為首輔。監

國擬危蹙。故人亦之。晉預東閣。羣臣爭之。謂監國之始不
宜。急私恩而急公義之。普避位以故。戎政張國維為兵部
尚書。拜國安為鎮東將軍。之仁為武寧將軍。連謙為義興
將軍。給勅印。予公餉。鎮東國安以私請。仍士英陪閣議。群
臣騰沸。諸生亦。宇煬等。草檄逐之。百姓為罷市。事止。時無
舍士英者。潛祀廟。國安私飲食之。晉續肅樂。俱都
察院。左右僉都御史。惟肅樂不受。原員外。行餘。晉爵
有差。得銅礮四十二于蕭山署中。識洪武六年。以為異。鑄
神砲。封將軍。以以之。擇言視師江。賞賚有差。或請上尊
號。廷議。諡孝。

原任都御史朱大典唐加兵部

侍郎九月唐詔至

詔有云朕未有子渡金焦為期朕文武

諸臣

請開讀惟尚書國維都御史汝霖不可監國以唐

平國侯鄭芝龍私表願効魯力益恃必不開詔中書舍人

謝龍震至手批唐使者劉中藻于廷而罪會稽知縣梁不

宜疾上儀注然江上文武諸臣咸因中藻私上職名于唐矣

以左尹為兵部職方主事監義興之師文香會稽知縣

唐加銜江上諸主兵者遣科部臣分監之監國時鎮

東師朱橋敗績退屯長河從子將軍元科每獲捷又

接北總督張存仁不及咫尺馬蹶六蹶過耳不創進國安

鎮東侯時防江之師自金衢迄以東迄定海不下二十萬

各自為義。不廢公帑。不相統。仍啣朱大典兵部右侍郎。使
主事集之。將命大典。而受益表謝。于是國安移屯潭頭。尚
書國維屯長河。武寧之仁屯西興。都御史汝霖嘉績合屯
龍王堂。義興遵謙屯小豐。總兵張名振屯白碣。員外郎肅
樂都御史馮元颺合屯瓜瀝。都御史于穎屯瀝海。兵科給
事中祁熊佳輔之太僕少卿兼御史監軍陳潛夫。合屯小豐。
御史王正中屯臨山。兵部職方司員外兼御史監軍石尹
初屯小豐。移臨山之仁子鳴謙以副總兵屯之海。其間錦
衣朱壽宜將軍陳梧生員倪會壽等。不啻數十部。有所期
會。聯艇焚砲而已。晉國維東閣大學士兼兵部尚書。監江

上軍監軍左尹等進西渡夾擊武林之策。疏清總兵名振
以其所部西渡奉諭拜張名振富平將軍。陞汝霖兵部尚
書監西渡軍。

冬十月閏部國維請遵漢築壇故事拜國安大將軍進封
荆國公賜尚方劍得便宜行節制諸軍義師不奉令如故
以余煌兼札兵二部尚書力辭晉侍郎大典為東閣大學
士如唐啣仍守金華十一月名振還石浦師不進左尹露
章劾之卒不至尹迺刺血草檄乞師諸乞得七千餘人奉
楚將軍華堞為盟主廷臣頗疑華堞得眾監軍陳潛夫疏
止之進封將軍王之仁為武寧侯將軍鄭遵謙為義興伯

諸臣進爵太濫尚書煌提督四彝詞臣王思任先後論奏
報聞義興之師赫山被劫監軍尹以兵救之獲提進奔數
十里多勒獲監國為犒師加尹秩一級尚書汝霖疏請給
故大盜陳萬良提兵時使授崇桐二城勞武林左頭不與
一兵萬良以其黨協副將故盜徐龍達深入不得志全師
歸給萬良平吳將軍即十二月鎮東師冒入西山窺武林北
師斷長河援兵于江上西山之師不戰潰漢土精練全陷
浚越勢大沮

丙戌監國元年隆武元年春加嘉績兵部尚書晉汝霖東閣大學士

平吳萬良攻德清副將龍達諸生蔡孺法死之唐以庸鹵

伯黃斌卿駐舟小窺吳淞而大學士兵部尚書張肯堂監其軍原任都御史田仰與東平鎮故部張鵬翼王朝先張國柱等以舟師入越初東平伯劉澤清分汛誰南金陵不守澤清北歸鵬翼等不從適仰遁跡崇明並南依監國遂拜仰東閣大學士兼兵部尚書鵬翼等進爵有差晉章正宸謝三賓咸東閣大學士陳函煇為禮部左侍郎閣部仰義興遵謙爭餉闕於廷不問三月武寧之仁大捷西興渡進爵寧國公唐閣部黃道周監之自侯鄭洪達師北進歷境上監國疑唐內却命御史柯夏卿王紹美即講唐大學士黃鳴俊固前約唐魯平拜張鵬翼永豐伯守衢州開納

貢例時東林黨事益堅。寧紹互水火。力惟餘姚中立。監國
朕居步輦以行。整別而見朝。循故体例。宸前無所裁決。憑
票擬。

夏四月。唐遣御史陸清原餉江上。諸師不聞監國。方王爭
餉。清原見救。唐不問。五月。監軍左尹。招東義。徃卒千人。副
將黃國仕總之。餉艱。軍中半餉。義奮西渡。病卒涕泣。願從。
自臨山先發。踰日。渡。渡千人。風覆鳳凰山。贊仗盡沒。時御
史王正中不謀尹。孤營檀山。露。授疾至。尹恐檀山敗。氣
奪。疾馳嶺。接之。大捷。正中全師。歸。因盡擄北守。江諸汛。縱
火焚五十里。盡會北師。渡桐江。諸軍以餉缺。心不固。沿江

守鋪數百里。一刻自燼。喙走不能制。監國奔台州。懋富平
 將軍張名振。石浦文武諸臣。水陸爭東逸。總兵張國柱。乘
 敗劫監國宮眷。北降元妃張氏。見害。有遺孤。浙西好事者。中
 殺潛飲同志。曲衣食之。不知所終。六月朔。北師入紹興。會
 稽知縣支香。猶戒守塚。閉門西抗。百姓爭裹之出。含山僻
 香得民。周藩口夢大異。真父母。嘗榜三字于縣署。云。時請
 臣之殉越者。為吏部尚書余煌。太僕寺少卿兼監軍御史
 陳潛夫。偕妻妾孟氏。沉水死。寧國公王之仁。舟出定海。為
 唐舟山黃斌。卿所劫。自沉。其家屬九十三人于海。縱二子
 鳴謙。宣佐于陸。身詣南都。衣冠請死。大聲呼先帝。而盡請生

高朗公服沉。備浦朗父兵部主事。感朗義不食死。鄉薦
葉汝蘓。及妻王氏。道促追師。並沉水死。水軍都督施湯賢
副將周晉鄭之瀚。與諸生陸芳。阮日生等。先後戰歿。諸
生嚴于鱗。平遠咸見害。諸生傅中。黃揚。守程。程妻甲氏。咸
自殺。布衣倪舜屏。倪伯明。亦自殺。閣部章正宸。御史沈綵
何弘仁。及諸生陸孝。蓋咸。易姓名肥。遯不知處。北師廷監
國于台州。禮部侍郎陳。幽輝。御史沈。履祥。原任總兵李唐
禧。咸死之。北師至金華。閣部朱大。共閉門拒守。力竭城破。
一門赴火死。閣部張國維。離汛歸東陽。沉水死。子總兵世
鳳。被執及難。永豐伯張鵬翼。与通城王盛徵。協堵衢州力。

竭。寡。援。城。破。被。執。威。不。屈。死。江。山。知。縣。方。古。對。帶。為。位。北。輝。
偕。其。妻。沉。水。死。溫。州。永。嘉。諸。生。鄒。維。則。張。寔。孚。瑞。安。諸。生。
葉。尚。高。咸。死。之。寔。字。有。健。兒。從。死。諸。在。抗。運。致。命。傳。詳。之。
子。是。浙。西。及。江。以。南。諸。鄉。較。之。起。應。魯。者。咸。先。後。散。文。武。
士。民。嗜。義。赴。鼎。鑊。不。惧。指。不。勝。屈。六。載。諸。傳。悉。鄉。薦。萬。定。
遠。諸。生。查。書。繼。以。魯。事。敗。失。心。病。瞶。語。率。不。恭。家。鍵。以。死。
荆。國。公。方。國。安。北。欵。已。曷。志。迄。露。見。疑。于。浦。城。國。安。妻。語。
不。恭。不。食。死。故。南。都。閣。部。馬。士。英。因。國。安。偕。欵。坐。漏。辟。伏。
誅。兵。部。尚。書。阮。大。鍼。北。歸。躍。馬。自。詡。可。用。墮。堙。死。
秋。七。月。北。師。覆。福。京。平。鹵。戾。鄭。芝。龍。歸。欵。子。國。姓。成。功。斷。

洛陽橋北。拒九月。唐主行在延平。不終。故唐永勝伯鄭彩以兵送監國于台州保鷺門。

冬十月。桂王蒞煨。監國于肇慶。十一月。唐王聿鍵據廣州自立。改元紹武。北師奔至聿鍵及難。桂監國即真。以明年

為永曆元年。

丁亥。監國二年。

春。監國踣鷺門。北師懸閩。廣王招永勝彩。

使奉監國歸命。彩不從。平鹵之龍亦手書其子及彩。皆不應。晉封富平將軍張名振為定西伯。始聞唐王訃。確為葬。喪縞素二十七日。

夏四月。北蘄松總鎮吳聖兆回。約入定西名振海師。共

起。先一日，魯文武議防海，即席殺同知楊之易，推官方重

朗，號衆以待，而名振砲震潛蛟，每覆失約，聖兆遂為中軍

唐世勳所縛，就法。連兵科給事中陳子龍，土事錢沅，鄉薦

張寬，諸生夏之旭，侯岐曾，徐爾毅等四十三人及難

秋七月，鉢僧王初，與鄖陽王常湖起兵，破建寧府守之，并

下壽寧政和二縣，桂王馳封初，鄖國公，建寧道，顧南涇走

海監國，起兵鷺門，晉永勝伯，鄭彩為建國公，義興伯，鄭遵

謙為侯，授錢肅樂兵部尚書，九月，建國彩圍福州，巖城中

亂，至殺老幼以食，連破所屬長樂，連江，閩清，永福等縣，北

將湯隆艾元凱潛出城降，褒封伯，爵以勸

冬十月。建國彩。協故唐兵科給事中劉中藻。合攻福寧州。監國下諭。字將。徐登華。以城降。封登華振威伯。晉中藻兵部尚書。不受。中藻連破福安。羅源。寧德。詔。毋諸縣。原任知縣林塗。起兵保福清。授監察御史。陣歿。以塗弟勉代領其軍。召全。城頭鄉。原任嶺西道吳鍾鑾。為通政使。以劉沂春為副都御史。疾辭。不許。走。勅。印。山東。布。初。蔡。如。慙。等。鼓。諸。義。楊。威。孫。鳳。亭。丁。化。林。楊。玉。休。王。俊。等。攻。圍。東。昌。青。究。登。萊。高。唐。東。平。及。青。城。長。山。淄。川。等。處。蔡。原。任。侍。郎。孫。之。獬。負。劍。遊。示。四。閩。而。斬。之。十二。月。諸。生。華。夏。等。密。說。舟。山。肅。鹵。斌。卿。以。每。師。至。寧。波。城。下。夏。為。開。城。內。應。机。先。露。同。

諸生董獻宸、并連御史楊文瓚、兄諸生克仲、馮京第、王家勤、杜應侯、及文瓚妻張氏、嫂朱氏、咸死之。

戊子、監國三年、監國蹕鷺門、春正月、北總鎮金声桓、回向於

南昌、尋總鎮李成棟、回向于廣東、桂主封声桓、豫國公、成

棟、惠國公、馳授勅、印、以錢肅樂為東閣大學士、吏部尚書、沈

宸登為兵部尚書、時建國彩專、與大學士熊汝霖、久約婚

偶、以爭魚小、寡、令其子夢龍、誘殺之、熊家口十八人、盡、閣

部肅樂、請罷朝、諭祭、監國畏彩、不果行、布衣周瑞、以鄉徒

攻閩安鎮、大捷、奪閩直入、監國封瑞、閩安伯、義興侯、遵謙

扈駕、自三沙入閩安、晉遵謙、興國公、遵謙奉命督福清、義

祐。占建國彩。爭餉彩。殺遵謙。及其金姬。義興餘載。馭起浙
東。監國咸。遙授勅。印出。沒林麓北。授者數年。進士方維新
以唐都御史。初角起諸暨。移屯開化。猶雄常上兩山之間。
王翊以縣吏起。兵勢獨雄。律嚴。監國授兵部尚書。蕪都御
史徐鳴珂以學倅領義事。頗震盪。授將軍。晉伯嵩諸生謝
龍震初以振義投中書舍人。時沒陷。庸不歇。諸無所就。臨
及。不屈。于是於潛。原任知縣俞文淵奉命為定王者。號白
山澤。事敗。被難家九人。副將楊崑以桂空勅。招搖遠近。事
敗。及難者七十一人。水陸呼吸。以踪跡見疑。及難者四十
二人。晉馮思理。東閣大學士。福州鄉紳周之夔。鼓其同義。

先後謀開門。速兵入事。說咸死之。三月。原任禮部尚書朱

繼祚以仙遊破城義旅。王士五等攻興化。北分憲彭遇凱

開門入之。繼祚來朝。仍過凱分守。道守興化。豫國。聲拒標

將郭天才。初奉北。擢授福州。至是。聞聲垣回。向密獻款。封

天才忠誠伯。令反攻福州。懸侯爵以待。

夏四月。北。部院陳錦以滿師困建寧。力竭。城破。鄭國公王

初與鄭陽王常湖咸死之。五月。大學士吏部尚書錢爾梁

卒。病劇。聞連江不守。以頭觸床。幾碎。一跡絕。監國撤朝。三

日。賜祭九壇。贈太子太保。謚忠介。建寧屬縣皆不守。

秋七月。兵部尚書劉中藻。連破壽寧。及柘之慶元。泰順等。

縣

冬十二月興化府及長樂壽寧諸縣復不守兵巡道彭遇

凱原任禮部尚書朱繼祚死之尚書中藻復壽寧原任中

書舍人何兆龍以鄉較起温州布衣俞書素起天台成給

勅印稱將軍事不就

己丑監國四年春正月監國由鷺門詣沙埕議蹕福寧州

不果南昌敗豫國公金声桓大學士姜曰廣等死之二月

晉兵部尚書劉中藻東閣大學士賜蟒玉惠國成棟以兵

應声垣攻贛州後期敗走信豐溺水死兵部尚書揭重熙

野走被執死

夏四月、福安被圍急、副將連琪引兵援之、陣歿、北師以琪
 首狗城中、不動、閩鄉紳林夢龍兵起、相山陳死、時國姓成
 功、保漳泉海上諸島、奉挂朔、專不贊魯、一矢不、其後子
 建國、彩兵不踰洛陽橋一步、閩部中燕保福寧州、北師攻
 圍歷四十餘日、以書招中燕、義絕之力、竭城破、中燕自糲
 死、子思誠投井死、諸下縣皆不守、建國彩與中燕疑、益孤
 棄監國、還三沙、自保。

秋七月、定西伯名振、扈監國駐台之臨門、詞臣張煌言協
 定、西舟師北擾、不利、返、八月、監國請舟山、

門二百二十里、東距普陀四十里、長一百三十里、濶七十里、戶四九萬、畝董田三萬畝、
 日昌國縣、而距蛟
 肅國伯王斌、御不

即納舟山前鎮王朝光及蕩胡伯阮進欲兵之監國不可
撥晉肅國為侯朝光令其甲士尹明託密報冒入時斌卿
方伏地聽諭報奮及陷斌卿背及脇監國即叅將原署為
府晉定西名振為侯。提督軍馬。進保名振故部。進侯。專治
水師。截閔拒守。晉故唐都御史張肯堂東閣大學士。加太
子太保。沈宸荃以兵部尚書。劉沂春以都御史。皆東閣大
學士。以吳鍾鑾為禮部尚書。李向中為兵部尚書。咸加宮
保。朱永祐為吏部侍郎。李長祥為兵部侍郎。徐學遠為國
子祭酒。陳九微為太常少卿。王衡楊球為欽天監丞。仍涂
登華振威伯。加少保。晉周崔芝為平曩侯。周瑞為閩安侯。

進姪駿掛義英將軍。定西標楊晉壽。葉有成。方簡咸。與掛印。餘文武加秩有差。

冬十一月。遣太常卿任甲。御史余圖南。往日本。通好。頒監國五年曆于廷臣。從戊申。原定大統曆。行朝賀。禮歲

如制。

庚寅監國五年春正月。大學士劉沂春病。歸。庶吉士張煌

言入扈身山。起拜兵部左侍郎。晉李長祥。東閣大學士。兼

兵部尚書。同官沈宸荃為長祥所嫉。掛冠。隱舟山之僻。

夏六月。蕩胡侯進平。彝侯周崔芝合攻。閩安侯周瑞。盡有其舟師。瑞潰圍出。依國姓海島。平西朝先傲。定西名振。以

他事襲殺朝先。陽託正剝刃弑卿之罪。朝先部呂廷詔張濟間內歸。

冬十一月。擢宜給俸。扈從諸臣之不能朝夕者。約二十餘人。不徧及。

辛卯監國六年春二月。蕩胡進扶公義以兵攻建國公鄭

彩于三沙。敗之。彩單走東粵外洋。丙亥。暴卒。振威伯涂登

華以梅山內歸。

夏四月。蕩胡進為內鎮馬進寶所間。且內歸。馬盛具以待。

進從子義英駭不能止。以告定西名振。名振為位南。遂

拜舟山。涕泣曰。蕩胡去。主上安歸。願自殺。進感激為絕。歎

議六月侍即煌言治兵虎頭頭。

秋七月旱饑乞粟于日本為航粟數千斛濟舟山八月內師三路攻舟山定西名振侍即煌言以兵分應南北洋皆捷而蕩胡進當定海一面先鋒江天保迎擊壓沉內舟十有三斬溺無美所俘盡斷其右臂縱還監國祭蛟門疾還御舟不登陸欲携世子入舟名振不可此以寒守者之心是速盡也監國諾已而蕩胡進戰螺頭洋擲火自燃師蟻內師執進脅降不應時監軍主事丘元吉金允彥等皆三親標守城則內師攻舟山不遺力被礮死者亦夥困十晝夜南北二洋賊師次十八門觀望不敢進內師投書勸降閣

部肯堂等為不啓報焚之。是月之晦日，監軍乞彥潛叛，北
掃而元吉繼之守者，猶執乞彥細醢之，以傳示四門。是夜
星隕如雨，明午城破，錦衣李向榮及總兵馬泰等副將軍
登雲等，各言不屈，死。率民兵巷戰，盡死之。定西名振
扈蹕遠洋，監國繼妃張氏赴井死。宮眷十三人從死。一內
監自扼死，井傍以殉。世子北去。文武諸臣殉。舟山者大學
士張肯堂自殺。家屬二十三人從死。名振兄都督名揚等
家屬五十餘人自焚。都督焦文玉力戰，負重創自刎。妻張
氏隨自盡。兵部尚書吳鍾鑿詣學宮自殺。吏部尚書李向
中、吏部左侍郎朱永佑咸被執，不屈死。監軍御史梁隆吉

手刃全家。遂自剄。副使高世昌觸石死。兵科給事中董志
寧自縊文廟死。河南道御史朱養時。及吏部主事楊昂臣。
戶部主事林之瑛。兵部郎中李國禎。主事劉午陽。禮部主
事董玄。李開國。學錄曾應選。俱死之。中書舍人顧珍。江中
汜陳所學。顧行。皆舟人。閻戶自燃死。起義逋海林伯起等。與
諸生顧明楫。等。赴學宮。自縊死。大學士沈宸荃潛泛海歸。
舟至大洋。忽大風作。覆死。故汝霖嘉績。永佑。家屬及松江
倡義沈猶龍。逋逃子甲。並得回籍。侍郎煌言。定西名振。扈
監國于三沙。國姓成功朝見。行四拜禮。稱主上。自稱罪臣。
時從臣寡。居監國于金門。供億唯謹。遇節上啟稱賀。年餘

不懈。

壬辰監國七年監國躡金門。國姓成功以兵攻漳泉。盡有

其下邑。使人刺殺內總督陳錦。桂主自安龍馳授國姓。招

討大將軍勅印。不通魯監國。成功避嫌。節數漸減。各飭舊

黃忠孝、郭貞一、盧若騰、沈荃、期、徐孚遠、紀日青、林復齋等。

間從內地密輸緩急軍需。定西名振、矢公、義乞師廈門。得

助兵二萬。尚書煌言、義英、駿、誠、意、伯、劉、孔、昭、等合師直溯

金塘。獲叛者金乞彥。磔之以祭。諸舟山死事者。隨題詩。金

山寺而返。

癸巳監國八年監國躡金門。內戒漳泉。國姓招討。託言內

永曆七年

鎮臣馬進寶道臣黃澍寔啓蒙仇在不共必內處不共乃
罷兵內立建二臣責信招討馭作書遺其父芝龍泉要漳興
福四府書中稱子不稱臣稱朝廷無陛下字樣語多不恭
馭令平南伯陳輝慶都伯王秀奇忠孝伯洪旭等協魯師
北出閩師風覆三之二魯師全

冬十二月全師馭進崇明大捷平洋沙師馭振

甲午監國九年永曆八年監國澤金門春正月全師馭入京口失一

副將阮甲四日返招討馭遣戎政司馬陳六御及將軍程

應蕃等協抵平洋沙攻崇明不克平原將軍姚志卓憤自

到還觸吳淞閩掠內戰艦二百七十號名振以沙船九十

號泛登萊及高麗乃還

夏四月閩浙地震五月寧波內鎮將張洪德外款封定寧

伯

秋八月協攻舟山內先鋒陳虎戰歿昔鎮巴成功以城降

閩戎政六御與魯義英守之招討再答父芝龍諭勒割福

建一省及沿海一帶州縣不得請統兵攻漳泉急久之退

保海澄

冬十二月台州內鎮將馬信外款縱所劫巡道張知府劉

內歸定西侯張名振病卒監國震悼輟朝賜祭

乙未

監國十年
永曆九年
監國澤金門

夏四月。招討標將黃梧以海澄內降。國姓脫梧得封海澄公永鎮。

秋九月。招討全師屯廈門。改稱思明州。思明不及外四也。三十里通。

兵部張煌言駐臨門。將軍陳文達駐玉浮山。阮春雷駐楚

山。逢為呼吸。而牛頭門亦有勁旅。蘇其友章名意之

丙申。監國十一年。永曆十年。監國蹕金門。春桂主自安龍馳勅封招

討成功。延平王一切軍國便宜行。成功謙仍以前招討下

諸文武不用王印。或曰。桂以成功不行王印。疑王以二字

不稱。改一字。更進封潮王。勅之。成功益謝。無功不受。而所

部皆稱藩前云。二月之三日。舟山城。哭五日。聲若風。爭而

咽逼聽之不得。羣違伺之。復作如是。連晝夜。雞犬夜登屋。而號居守。咸以為不祥。戎政司馬六御不得衆寡。和輯容納之才。且以聞遣。而其下共事義英。阮駿等。故魯將。不甚大寤寐。

夏六月。舟山南閩民間。偶發石碑一道。係國初湯東既所建。其鄉人曰。此碑出。恐有變革。

秋八月。內大治師。取舟山。初戰不利。已而義英駿海船膠淺。猝應敵。戰不利。將軍劉永錫子孔昭跳水死。戎政六御定寧洪德。合以兵援之。被創。並自刎死。將軍楊晉爵。截橫水洋中。孤軍當堅持兩日。不懈。軍飢。火藥盡。晉爵負重創。不

青○屈○自○到○九○月○太○嘗○陳○九○徵○被○執○不○屈○見○殺○義○英○將○軍○駿○
但○以○十○三○艘○適○壺○江○嶺○崎○之○間○諸○義○集○咸○棄○此○解○去○而○外○
歟○者○盡○見○收○舟○山○墜○其○民○內○從○

丁酉

監國十一年
永曆十一年

監國驛金門時內設海禁嚴沿邊居民

自江南歷閩浙達東粵內徙四十里略比古清野之法諸
泊例稅盡捐片板不得下洋漏一粟上刑凡所遷許寄食
于邑之鋪族遵令稍遲者縱火焚其居業海鰕者過限一
步亦死其田畝缺課攤補通邑勿減鹽課有定額自內場
不遷外亦令諸商合補之海上諸邑果以餉不足率內附
桂主仍勅魯王監國遷澎湖島晉張煌言東閣大學士兼

兵部尚書。

夏五月延平成功遣將軍馬龍等以降將入閩騷東粵大
殘甌汀背聊應軍需攻城守力不得入計執海澄知縣祖
之麟以去稱制授兵部尚書之麟不受願內歸延平不即
許。

秋八月原澄海知縣祖之麟間脫內歸。

戊戌監國十三年監國蹕金門延平以舟師掠招寶山兵

部煌言計合延平共事差有可為姑絕監國起居以泯嫌

隙。

己亥監國十四年監國蹕金門。

永曆十三年

夏五月。閣部煌言。合延平。自請為先鋒。不統于鄭。悉舟師。後大江突京口。為壇嚴家沙。禡告太祖高皇帝。毅宗烈皇帝。一軍皆帛。哭聲震百里。其為令。專與滿師決。遇綠旗。推手不應。大勝鎮江之七里港。巡撫朱部。安慶師戰。瓜渚全軍敗沒。朱被執。縱之。漕撫亢以淮安師下。半道潰。亢沉水。死。煌言開府蕪湖。鎮江下。百姓擲帽與堞。齊傳檄千里。上印者三十有七。輒與明製。仍其官。西至荆襄。南及南贛。烽火所及。揭竿復起。內楚師。順流東援。蕪湖扼之。沉其四艦。衆潰去。海師列十二營于白土山。困金陵之觀音門。候陸師併力。不即至。歷五旬。師老。

秋七月滿師明將軍自楚還夜穴城出海師其輝營被劫
 戰非濠不利漫去戰石灰山敗績失萬人將軍輝與副將
 余日新被執就訊責輝初國姓成功輝傲曰國姓父不
 奪國姓乃使輝且輝心安肯降國姓也怒亦同訊日新如
 夫得死死濡忍何為就法不屈海師全退煌言抱援阻深
 入糧瑄舍并登陸轉戰千里萬人殘耗盡為偽賈服聞走
 臨門密上狀監國

冬延平師大擾閩之嵩門內師不利

庚子監國十五年監國蹕金門時各較飢率北款蒙寵被
 永曆十四年

遇於諸旗遂有偽造勅印曾未一揮清輒自稱方命者

辛丑監國十六年春監國環金門桂主依徇旬不終久之

信確金門扈蹕者擬監國即真以延明運時不知定武之

保房也也微致閣部煌言煌言三上箋幸無以虛名為的

養暇待時且海濱孤子無所為漢官威儀者矣

壬寅監國十七年十監國環金門國姓成功以所部曹文龍馬信謀營

取臺灣保質蘭國入閣部煌言馳募止之時止鄭旅可以

北送鄭即安敵愾不力是欲危置鄭以圖安而鄭急石拔于

是臺灣下延平苗長子煙守思明令總統五軍周全斌忠貞伯

洪旭督餉鄭泰合贊思明

夏五月延平王招討大將軍國姓成功原名孫蕙于東寧

先是入臺寧改稱東都再稱明京以侏桂主巡狩以之
緬變確乃改為東寧于東寧隔江築承天城以安宦東粵
者之家或曰東寧故亦為安海云延平初以疑外其世子
經遺命立不必長經自厦門奔喪國中尊之主東寧仍用
桂翔羣臣稱嗣藩令諭改設六部官名必改行不敢疑制
秋九月之十有七日魯王監國病薨于金門繼妃陳氏有
遺腹子周支長楊王術桂保獲于東寧嗣藩改稱長楊王
為寧靖王
癸卯定武十韓主保房山初桂改元諱不奉朔郝永忠者
奉主與李來亨等並激抗于鄖西亂山之中如永曆之年

攻不出數縣。至是未亨敗。房山亦破。主不終。
甲辰永曆十桂軍在東寧。久之。和蘭國急報仇。以子內朝請
兵合攻東寧。不得。併力廈門。敗。于是金門。臨門。牛頭門。鷺
門。楚山。玉環山。諸島師皆解。多北款者。
秋七月。閣部煌言被執。煌言既失臨門。潛范澳。跡及素袍。
朱履。就道吟詠不輟。既至武林。抗言不屈。進酥茶。搥手。煌
言從。不知此味。出就衛。絕飲食。衛士哀號。復進如常。在道諸
詠有日月雙懸于氏墓。乾坤半壁岳王祠之句。復有放言
及李陵子房論。以大義為歸。九月之七日。就刑。所並執
監紀羅倫。字子木。勇士葉雲。門者冠玉。并二持槩。咸盡妻董。

氏子祺旋及難絕命詩曰我年適五九乃遇九月七大厦
已不支成仁萬事畢已東寧兩秦內拓漢持前要換語以
塞不恭甚
論曰天

一、...
 二、...
 三、...
 四、...
 五、...
 六、...
 七、...
 八、...
 九、...
 十、...
 十一、...
 十二、...
 十三、...
 十四、...
 十五、...
 十六、...
 十七、...
 十八、...
 十九、...
 二十、...

罪惟錄附紀卷之二十

唐主附

唐主名聿鍵、閩人、私謚思文、為太祖第二十三子、定王極九世孫也、原封南陽、性愷、擊坦易、好讀書、能文、樂推誠、與人、以父早背、失愛於祖、端王、兩叔謀奪嫡、未得請名、及祖端王薨、守道陳竒瑜、知府王三善、始為疏請、乃得嗣立、崇禎九年、南陽饑、王奏請發賑、詔從之、尋有宗籙儀節之議、王乃杖二郡王於廷、以流賊橫逼、後上書請得奉特勅、收諸岩義勇、以靖禍亂、不報、十年、賊益熾、遂治兵、擅離封國、廷議以為非制、附謀叛例、發南京高牆、而更立王嗣唐王

在禁、益博洽、今古、走筆數千言、如是八年、所著書盈丈、十
四年、李賊闖南陽、唐王遇害、甲申、國變、王出高牆、乙酉、五
月、南都復破、王抱書南走、遇戶部郎中蘓觀生於嘉禾、觀
生說以大計、圖恢復、會將軍鄭鴻逵、師潰鎮江、以所部護
王入閩、於是巡撫都御史張肯堂、巡按御史吳春枝、及故
輔蔣德璟、禮部尚書黃道周、南安伯鄭芝龍、率諸臣請王
監國、福州、

乙酉

隆武元年

夏閏六月之七日

王行監國禮、將軍鴻逵隨請

急正位號、以嚴人心、杜後起、遂於是月之廿有七日、上尊
號、改元隆武、郊、大風拔木飛瓦、還半道、尚寶司馬蹶墮、

地折一角。改福州為天興府。稱行在。尋稱福京。首下登極。分封親征。三詔皆出親裁。語痛切遠近。捧讀無不挾淚。以王妃曾氏為皇后。不設妃嬪。以原任大學士何吾驥為首輔。蔣德璟、黃道周、路振飛及蘓觀生皆大學士。張肯堂為吏部尚書。李長倩、戶部尚書。曹學佺、禮部尚書。吳春枝、兵部尚書。周應期、刑部尚書。鄭瑄、工部尚書。馬思理為通政使。餘進爵有差。開儲賢館。以觀生專主賓客。尋以傅尅仍原官。大學士禮部尚書。而黃景昉何楷陳洪謚林欲揖曾櫻郭維經葉廷桂等先後入閣辦事。其遠不至。如王應熊揚廷麟等署名閣員任事。凡批荅從康前可否。上手定之。

而封疆恢勦。盡委鄭氏。封鄭芝龍平鹵侯。鴻遠定鹵侯。彩
未勝伯。廣安為錦衣都督。已欲拜芝龍監國。鴻遠與彩不
從。乃已。遂以芝龍子森為養子。如太祖太宗時例。賜姓朱。
改名成功。築壇拜定鹵。洪遠為大將軍。授上方劍。適大雨。
主履溼。鴻遠下壇而蹶。論者以為不祥。設蘭臺館。命禮部
尚書曹學佺為總裁。監修兩朝實錄。追謚福主。安宗簡皇
帝置萃士之科。比廢吉士。時湖廣巡撫都御史何騰蛟以
南都不守。人心回惑。布檄出師。保長沙。七月。遂以五難入
告。王封騰蛟定興伯。以兵部尚書。兼東閣大學士。李賊自
成。既走死。弟李過同其黨。高必振。以數萬眾受都御史堵

胤錫之招主手改李過為李赤心。晉胤錫兵部侍郎。騰蛟
力請親征不果。以吳炳為布政使。詔編修劉以修為主考。
首開鄉試。留寓福京者亦與得二百四十人。榜首為胡姓
者。主以為有嫌。諭覆試得一百六人。主親定解首葉瓚而
胡姓者居第三。云封介弟。鎮為唐王。主唐祀國南寧。未
赴。先是魯王以海避難台州。於是年七月。從起義諸臣之
請。監國紹興。當浙邊都御史朱大典為唐守金華。拒方國
安南逸之師。不得入。會靖江王甲擅弄兵。繫巡撫都御史
瞿式耜。以總兵楊國威為先鋒。遣官李貞入閩。爭立。主殺
貞。兩廣總制丁魁楚及巡撫瞿中軍焦璉。將陳邦輔等。
討平之。更立靖江王亨。封魁楚平粵伯。并及同事邦輔為思

思伯晉式。起兵部侍郎。燕原官。時兵額定二十萬。自儼霞嶺而外。宜守者一百七十處。

秋九月。早朝。定鹵侯鄭洪達。倨立閣。臣蘇覲生上。同官黃道周。爭之。鴻達奮掌。逼周主。為下殿。和解。令兵科給事中劉中。蒸奉詔。下魯。上文武戚。以勢當敵。不宜內自貳。且魯未有大號。而唐叔父尊。叔父未有子。可以監國。為後合立。以禦北師。開詔。便而魯尚書張國維。都御史熊汝霖。及國舅張國俊。中書舍人謝龍震。數人。又以魯唐皆高皇帝初分封支等。而魯長閩僻安。遽自大。未嘗以一天相助。乘危而欲下之。不可以為名。且唐何忍撤蔽。以自露於敵。吾寧

獨癖而聽天之所予。不開詔便遣唐平鹵。艾龍行密表於
魯願釋唐而私驅馳。魯廷臣曰。彼二唐。即何不可為。勿信
而監國。惟國俊言擊案曰。有知言。開詔者與衆棄之。遂令
御史王紹美沈綵往與唐使平江。上文武則大率露表遙
稱臣。天興矣。都督陳謙在衢州。挾兩國以自重。于魯稱閩
封伯爵。于閩稱魯封侯爵。左右現望。唐主名謙。下獄。御史
錢邦芑密奏。謙與鄭氏素心腹。不誅必有變。內出片紙。斬
之。宋大典。東閣大學士。蕪兵部尚書。魯江上文武加爵有
差。

冬十月。卯武知府吳炆煒。推官朱健。以小警。輒移家口出

城坐倡逃。建陽知縣施燦為奸胥所構。坐貪酷。成棄市。十
 二月。魯師大敗於杭之西山。主欲躬履行間。廷臣請出關
 者。章百道。芝龍中異。苦以缺餉為辭。龍溪知縣謝太宗以
 貪被訐。罰贖銀八千兩助餉。
 丙戌。隆武。春正月。遣肅鹵伯黃斌智以舟師伺閩。吳松聯
 絡登萊沿海諸郡。駐舟山。而都御史張肯堂奉命總督三
 吳。亦赴斌卿觀變。兵科劉中泰忤鄭氏。去。主始知芝龍
 不可恃而不能制。
 夏四月。遣御史陸清原賫餉三萬兩。往犒浙師。私散江上。
 卒為方營所劫。清原見殺。迺復遣科部諸臣出監浙師。不

以聞魯監國因盡取魯溫台之粟以官填郡邑魯不能爭
戶部尚書大學士何楷以度支遲待為鴻逵所唾楷辭官
主令鴻逵詣門謝鴻逵不肯他日楷出鴻逵伺人于隘猝
擊傷其左耳楷無所訴百方搜括主事張夬至請開元寺
銅鐘鎔為錢以救急用戶部尚書李長倩憂餉死閣臣德
璟病去時聞京尚講門戶閣臣通周素與芝龍不合每事
牴牾於是諸臣交章芝龍逗遛以附通周而通周論事固
執無机變不能善芝龍同官觀生力勸主出師贛州以信
天下科臣金堡請做漢高帝故事自稱使者車騎走贛揚
萬軍并勅諸路並進觀生託省陵至贛料理行在上不果

行加禮部尚書陳子壯大學士兼兵部尚書俾得招徠授
贛。兵科給事中張家玉監永勝伯彩之師出杉關。甯解撫
圍輒入關自保。主不得已。舉延平以兵部尚書吳春枝為
留守。辭不受。主屢勅芝龍詣延平議事。必不至。閣臣道周
以儒服履戎督鴻遠出娶源師不進。道周乃以二十餘騎
前導被執。吟詩數百首見戮。鴻遠棄師去。不知所終。時贛
州請援急。觀生還。駐南安。檄趙胡二鎮吉安。敗績之師全
援贛無至者。徒以聲慰贛州。隨令總兵黃志忠治戰艦三
百餘號。遊擊羅明受為先鋒。順流且下。北師牽纜縱焚之。
明受大敗。五月。魯事壞。監國蹈海。六月。主長子生。貌滿月。

鬼魯大加封賞。為恩澤伯者數人。群臣表賀。有日月為明
止戈為武等語。王為嘉歎。延平推官錢秉鐙有詩憂之曰。
自從東越魯亡後。早使憂天泣。小臣時金華失守。閣部朱
大典死之。芝龍託海寇至離鎮。盡撤諸要害。守兵北師直
跨仙霞如無人。下浦城。給事黃大鵬。御史鄭為虹死之。
秋八月朔。主在延平仙霞嶺。搜得群臣北通書札一百七
十封。即行在諭群臣。悉焚之。不問。九月。延平烽警。道臣王
自和自縊死。主決計幸贛。猶載書十車。以行。二十四日。抵
順昌。聞延平失守。倉皇騎而奔。從行者。惟閣部何吾驍。朱
繼祚。黃鳴俊等數人。已而吾驍亦間去。北師至順昌。獲龍

扛搜之得馬士英、阮大鍼、方國安、父子及方逢年、前連名請駕出關、眾謂已降、後事士英國安、咸見殺、延平城下、家眷百口、盡賜北軍、大鍼先北、歎從征、蹶嶺、喘、絕、主至汀州、苗、蹕、一日、距延平二百里、為北師李成棟所及、曾、后、自經、通政使馬思理、偽死、脫、北師、挾、主、至、福州、之、橙、塘、不、終、福州破、閣部傅剋走匿民間、被執、與同官蔣德璟、俱、請、兵、入、城、之、刻、並、見、殺、兵、部、侍、郎、吳、炳、方、出、督、兵、被、迹、縊、死、野、寺、中、指、揮、胡、上、琛、參、將、朱、家、臣、咸、自、殺、芝、龍、北、歸、其、子、成、功、分、兵、通、拒、保、海、永、勝、伯、彩、亦、遁、主、長、於、文、辭、而、嚴、武、不、足、恭、己、儉、約、官、中、不、設、監、寺、布、袍、蔬、食、一、老、宮、婢、侍

晨夕大小政事率親為之。凡所遣發每呼廷臣入內榻便衣別促語爾我如家人或曾后手調羹賜之惜為積勢所牽不能離鄭用武而廷臣以攻訐為長主但降氣解紛而已。

冬十月、贛州破、閣部揚廷麟、兵部尚書總督萬元吉、鄂維經、嶺北通光祿少卿彭期生、御史姚奇胤、戶部員外于斯昌、兵部主事黎遂球、王其家、吏部主事龔芬、兵科給事中萬發祥、職方主事周瑚、同知程必進、王明汲、通判胡統、鍾良則、知縣莊以蒞、鄉薦袁從諤、貢士王其寔、總兵劉天駒、盧觀象、副將汪起龍、月中桂等咸死之。積屍溝渠皆滿。時監

軍道梁于疾偽降欲更起事覺見殺北師至漳州兵道金
麗澤從容就戮兵部主事胡奇偉間脫欲以兵再起被執
與同官周定初見殺禮部尚書曹學佺逃鼓山度為僧與
貞士齊巽復起呼無應者學佺自盡巽見殺東海士民私
謚唐王思文皇帝時主弟唐王聿鎮與十三王浮海至廣
州桂王由棖已監國肇慶矣初思文主有詔下桂內云天
下王之天下原其序也先是平粵魁楚與閣部觀生知汀
信急並釋觀生因與魁楚却獨走東粵而魁楚至肇慶
造遇永明王避兵遂合諸臣奉為監國而觀生遂擬尊唐
聿鎮以抗桂布政使顧元鏡稱三宜立以親而賢又以貌

隆準於是合原任侍郎王應華吏部郎中閔捷先等啓王
十一月之朔王行監國禮使主事陳邦彥奉箋觀桂肇慶
未返五之日遽稱尊號改元紹武軍國事專任觀生元鏡
捷先以推立功拜東閣大學士兼兵部侍郎擢主事簡知
遇為兵部戎政尚書王應華以右僉都御史晉東閣大學
士以楊明經巡撫潮州禦闖陳際泰巡撫南雄禦贛令總
兵林察督所撫石徐鄭馮四姓水師爭三水三水肇慶之
難敗績殺桂巡撫林桂昂及監軍道夏四敷桂總兵龍倫
魁楚等以桂監國奔梧州唐王封觀生建明伯總兵林察
輔明伯王鎮冲厚無所裁觀生潔清寡遠畧單恩無數濫

及不率而號令不出四門諸豪健閉圍傲未服北鎮李成
棟修養甲自闔下潮惠率開門降隨用西府符印偽郵廣
州報北師未至以緩其備觀生預信之十二月望王方視
學閱射群臣朝服候行礼禮未備俄報北兵至觀生曰朝
方奉啓頗安此妄言為敵間惑衆斬之三報殺三人則成
棟以十七騎漢裝斬東門入或告觀生猶以花山義若就
撫來也頃臾滿師結至塞荅王急變服從後庭踰垣出走
匿大學士王慮華郎中嗣恐迹至復間走洛城里為邏者
所得時宿衛可萬人變起倉卒不及傳西市民猶或執槊
摧北騎數人大學士元鏡獨先繳印露頂諭居民稱逆藩

授首百姓安枕云北兩廣終以元鏡婿曾為先客頗優
禮元鏡元鏡願以左藩中下諸屬督降劾烟督勤終益信
用許元鏡當保大用元鏡轉署門大書內閣願終曰本朝
無是術且擅用術猶不忘明乎遂輕元鏡終不薦用是日
殉難為大學士蘇觀生太僕卿霍子衡一家九人國子監
司業梁朝鍾行人司行人梁萬壽上弟萬榮舉人陳嘉會
中書舍人鄭露生員馮協賜等次日薙髮令下抗北令百
餘人皆見殺付法婦女以貞自教者不可數十八日凡諸
王之附居廣州者皆就戮于演武場王鎮獨拘衛東察院
北師使人饋酒食王曰吾如引一勺水何以見先帝地下

罪惟錄附紀卷之廿一

桂主附

桂主名由糧。神宗顯皇帝之孫也。神宗五子，光宗嗣立。次福王常洵封懷慶，移河南。子由松立南京，是為安宗。簡皇帝次瑞惠桂三王，同日出封。桂國於楚之衡州。癸未，賊張獻忠陷武昌，連破長沙、岳州，取路入蜀。時桂惠二王並避難梧州。隆武中，桂王薨於梧。王長子襲封桂王，不祿。三子安仁王由稷、四子由糧、五子由明。王永明有弟二，未封。陷賊死時，王府係故兩廣公署，相傳有巨蛇為祟。永明出，蛇當座，不懼，跨蛇而出，而安仁震，遂薨。

丙戌隆武二年

韓定武元年

秋閩敗兩廣總制丁魁楚巡按御史

王化澄陞任廣州知府嚴起恒都指揮使馬吉翔等檄廣

西巡撫瞿式耜湖廣巡撫督師史興伯何騰蛟率諸臣表

請永明王詣肇慶於十月之十日行監國禮開廣州擁觀

生等猝奉唐土聿鎮為盟王建號紹武遂於十一月之十

有八日群臣上尊號以明年丁亥為永曆元年則韓王本

鉉抗鄭建號定武元年矣王尊嫡母張氏生母王氏並皇

太后冊封王妃王氏為皇后主謙仁渾大丰姿冲逸首晉

督師騰蛟為定興侯大學士廣西巡撫瞿式耜兼吏兵二

部尚書以平粵伯魁楚為大學士日值辦事諸臣進爵有

差使給事中彭耀通情於廣州。唐殺耀而遣兵尚書湯
來賀，致書肇慶，且曰：讓為上，和次之，戰最下矣。王不報。因
唐使陳邦彥勅觀生，都御史林佳鼎監軍。夏四款，總兵
龍倫輕與廣州戰，大敗。三水佳鼎等盡沒。先是，流賊歐忠
為北師所殄，其部四將軍孫可望、李定國、劉文秀、艾能奇
等走陷重慶。平蜀侯曾英死之。入貴州，時奇沙定洲與妻萬氏叛
據雲南，可望釋貴州名援黔國。天波楚雄之圍襲有雲南衆，未帖
道海道。楊畏知力贊扶明，頗思內款。會廣州為北師所襲，
十二月，王釋肇慶走粵西。北師總鎮李成棟追至峽江，遣
巡撫式紹練兵峽江，壁壘堅。王得保桂林，是歲，鄂西王常湖

以王祁為國師。破建寧。全閩震動。主馳封祈。鄭國公未幾敗。

丁亥永曆元年。

韓定武二年

北師益進。二月之望。主奔全州。令

式耜與叅將焦璉。由守桂林。時平樂陽朔諸處。皆望風北降。桂林兵單。城且破。璉獨巷戰。獲捷。城完。進封衣。耜臨桂。伯焦璉為新興侯。總兵劉承胤駐武岡州。迎蹕。主自全州移蹕。改武岡為奉天府。周老者布衣道進。瞻玉其之。旋拜吳炳大學士。辦事東閣。承胤挾權驕蹇。政事傍落。時北師已下楚。督師騰蛟戰敗。來武岡。露章劾承胤不敬。力請移蹕。不果。从之。北師至。承胤且劫駕北降。皇太后密詔騰蛟。以師護駕。力主出走。承胤竟叛。導北師躡駕。武岡陷。盡屠騰蛟。

家屬主下詔褒慰兵部侍郎傅作霖吏部郎中侯偉死之
都御史米壽圖吏部尚書李若星為亂兵所殺適斗門將
軍陳甲起扼北師半道主得離武岡秦和伯郭承昊與其
婿閣部周鼎翰間北歸輒脫跡隱去北師以承胤偽諾逮
武昌殺之駕從靖州憇南寧依征蠻將軍思思侯陳邦輔
邦輔提兵襲有高雷蕪三郡進封慶國公復督十三鎮合
攻肇慶時北副將軍羅成耀守肇慶嚴邦輔退還王親李
國珍係羅定州監生起破羅定及東安西寧三縣邦輔復
驕蹇抗制主卑危北師旦夕下會東粵原任右僉都御史
張家玉合原任閣部陳子壯給事中陳邦彥等共舉義師

家王善用兵。下東莞。北師盛兵復東莞。監軍道張恂。知縣
張珣。生員尹端菴。死之。再破博羅。不守。復攻增城。頗捷。戰
敗。家王沉水死。師叅謀林存。并見殺。子壯取高明。力竭。城破。
被執。不屈。死之。同事御史。變而炫。朱實蓮。咸見殺。邦彥以
兵擊敗北師於馬珠。連破三水。高明。大戰晉江。新會。復下
清遠。力竭。被執。與生員馬應房等。咸見殺。舉人杜璜。與同
事生員四十人。復起高安。陳死。吳六奇者。丙戌。勉北歸。至
是。復攻潮。北師總兵許甲。陳死。遂固守。通判府。永寧王。妃
與世子甲。避鎮平。諸生賴其肖。挾以起兵。敗北師。殺文總
兵。攻破閩之漳州府。及永定。平和二縣。北師總鎮成棟。方

下東安奉檄還守廣州。主得邊巡逸去。可望自稱平東王。擅制自大同黨。三將軍各自王。而劉達秀艾能奇唯平東。令獨李定國自以安西王。征徧甸及小西天。服之率自進也。

戊子永曆二年韓定武二年春正月。主在商寧北。總鎮金声桓回

向於南昌。自稱輔明將軍。與養子王得仁等起殺北御史董志學等。傳檄稱和曆二年。以原任大學士姜曰廣為盟主。號名諸旅。主馳封聲桓豫國公。太師行軍大司馬。授尚方劍。便宜行事。得仁為建武侯。掛征鹵將軍印。以閩東耿燁為布政使。檄定南康建昌饒州瑞州九五五郡。二月。總督何騰蛟率衛國公胡一清。永國公曹志建。及將軍趙應

選等復興安。圍全州。八戰皆捷。乘勝破東安。困永州。與將
軍馬進忠扼守常德。尋常德復陷。退入土司。
夏四月。騰蛟檄總制都御史堵胤錫。合力規復常德。守之。
豫國聲桓親率師。徇臨江。袁州吉安三郡。原任兵部職方
招重熙。復起臨川。應聲桓。擢兵部侍郎。五月。王奔潯州。
秋七月。將軍馬進忠。與北師戰麻河。大捷。殘溺敵七千餘
人。以功封鄂國公。駐常德。而督師騰蛟屯衡州。為聲援。豫
國聲桓圍贛州。以不下。乃密招廣州北鎮成棟。使反。兵助
功。贛八月。成棟劫北督佟養甲。大書永曆二年。主封成棟
惠國公。養甲褒平伯。兵部尚書燕工部事。於是陳友龍回

向於靖州郝尚以回向於潮州成棟乃合表迎駕主以是
月至肇慶羅成耀降封寶豐伯原洱海道楊畏知以偽平
東王孫可望內款來朝嚴起恒為東閣大學士友龍尚以
為將軍追贈張家玉增城侯謚文烈陳子壯忠烈侯謚文忠
時賊自成遺部李赤心等總制胤錫受降駐施州衛
冬十月命惠國公成棟提兵北踰嶺合諸師協攻贛時声
桓還救南昌釋贛圍二日矣成棟戰敗走信豐死中權杜
永和奉命總其軍兵部侍郎張調鼎監軍通姚佐文等為
亂兵所殺封成棟養子元胤為南陽伯胤駕肇慶而永和
督守廣州進論納降功加堵胤錫大學士兵部尚書胤錫

頗與鄂國公進忠隙降將李赤心等殘索餉急胤錫悉檄
至常德計自杜進忠慮其北已走湖南避之胤錫以赤心
亦走湖南騰蛟危內變遂有湖北千里一空之說主諭進
忠出攻長沙赤心疾援聲桓江西為兩解北鎮車任回向
于潮州殘擅殺巡道李光垣知府凌犀渠海陽知縣岳桂
已丑永曆三年韓定武主在肇慶春正月將軍尚以奉命
徇福建猝劫任殺之百姓皆喜赤心兵至湘潭進忠未至
總督騰蛟單身走湘潭督行北師朱勇係騰蛟故所屬偽
降邀觀營盤猝執騰蛟力勸北歸騰蛟不屈絕食嘔血死
宣威伯楊甲死之於是諸師警進忠師不進而衛國公胡

一清開國公趙印選棄永州退保全州永國公會志建退保
嶺峽關宣國公焦璉與部將劉起蛟並退保平樂主贈騰
蛟中湘王謚文忠是月豫國聲桓為滿師譚泰所困糧竭
城破荃戰不勝投水死泰屠南昌大學士姜曰廣及城守
劉一鵬湯執中等咸死之諸郡縣盡不守先是起兵應聲
桓者原任尚書吉安劉士禎其子肇臨釋升肇順先後死
原任侍郎南昌余應桂父子被執不屈死原任都御史南
昌劉斯珠與子元鑑不奉薤髮之令死生員吳漢章嘗讀
聲桓中興檄不啻口丹鉛之血坐死忠誠伯郭天才還自
福州遠南昌敗走寧州山中自保與翰林侍讀傅鼎銓兵

部侍郎揭重熙每出沒伺變久之咸被執死是年冬北師
平南王尚可法請南耿仲明共授東粵而定南王孔有德
援廣西尚耿兵次南韶總兵竇豐成耀彙城走伏誅諸城
不固廷議出師三水逆之不果會衡州復失守赤心兵竟
從桂陽出封川至梧州胤錫棲鎮峽又與永國公志建不
合志建殺其標卒數百人胤錫走封川入朝肇慶閣部瞿
式耜遙請以胤錫代騰蛟督師諸將意不與胤錫沮潯州
病卒以朱天麟為東閣大學士辦事

庚寅永曆四年

韓定武五年

春正月逃粵故帥李士璉北降為

嶺東道誘殺徽王支興化滋陽永豐銅陵陽信仁風等王

盡主以廣州被兵釋肇慶西奔令南陽伯元胤留守二月
駕至梧州以王化澄為東閣大學士文安之同入辦事北
師兩王攻廣州不遺力杜永和督守勤副將張月總陸兵
吳文敏統水師背城出戰多捷

冬十一月之二日糧竭廣州破總兵楊有光戰水死范承
恩被執與吳六奇等北降未幾肇慶亦敗元胤見執於欽
州不屈語不恭見殺永和走保瓊州亦北降獨將軍王興
初助戰新會不利退屯文村傲北令者十餘軍乃敗是月
之五日桂林亦不守先是北師定南王孔有德兵出廣西
令大將馬蛟麟別路入先破平樂總兵朱旻如拒戰不克

殺妻。子自到。有德親提大兵抵桂林。留守瞿式耜初與開
 國公胤選衛國公一清等共事。遣二鎮移屯柳州。式耜單
 甚不可守。翰林院侍讀兼兵部侍郎張同敵單身入城護
 式耜。及城破。被執。咸賦詩從容死。靖江王亨歿。與世子並
 見戮。駕釋梧州。歷潯州。慶國邪輔叛。半道間去。且劫主為
 功於北師。主猝以宮眷先去。於是皇嫂安仁王妃及百官
 眷屬咸被劫。資囊盡。主踉蹌中。適交趾境。上人出瀾邦輔
 主得從。客保南寧。潯州破。知府曾大應死。時偽平東王
 可望破貴筑。北攻遵義。忠國公王祥戰敗。自刎死。可望復
 拋貴州。武康伯胡執恭奉命屯泗城。洲西禦。逼可望。擢

作冊命封可望為秦王。始以秦封內請，廷臣不可。已封，可望平遼。王定國等皆封公爵，可望不受，并勅定國等不得受爵。

辛卯永曆五年

韓定武六年

春

主在

南寧

以郭之奇

吳貞毓入

東閣辦事，可望兵出富州，遣賀九義、張明志護駕南寧。且脅改秦封，上書不稱臣，不奉年號，署平東王字樣，以合師北拒為名。閣臣嚴起恒督師，侍郎楊鼎和、科臣刘克珍等力持不可。時在廷尚有朋黨，都御史袁彭年、禮部侍郎劉湘容、吏科給事中丁時魁、工科給事中全堡、兵科給事中蒙養正等，專好彈射，不通閤劄，舉朝憚之。目為五虎五臣。

益不欲王可望請速執恭坐以擅制之罪執恭阻泗城不
 至九義使盜殺昇和于崑崙關主益震廷臣常罪五虎主
 以彭年掌案久反正有功免議堡與時魁遣戍餘俱徒而
 可望所遣九義驕縱居數月忽稱秦王令旨清君側十三
 人意實啣沮封故事也主曰朕實未知之遂馳冊賢真以
 可望為秦王未幾九義擅使人伺閣臣起恒擊之墮水死
 同官郭之奇逃^{坐制}珍吳霖張載述皆棄市金堡以先遣戍
 獲免俱惟九義主念善用秦王議自畏知以為東閣辦事畏
 知抗疏劾九義賊殺大臣之罪可望密使人襲執畏知^畏
 罵見殺時北師定南有德破柳州兩鎮印選一清奔城走

合保南寧。北師東勝攻南寧。急主釋去。被躡距三十里而
近。忽烈風起。摧林木。房屋人不能正立。追者疑不進。慶國
那輔遂殺焦璉。北降。可望使鄭國。擁遷主于貴州。土司安
隆所。改為安龍府。以范應旭知府事。錢糧兵馬悉秦王主
之。歲致銀八千兩。米百石。上用。隨行文武俸賞。盡向秦府
開銷。安龍無險。主居此。一再鳳凰。見以之。可望亦一至。安
龍擁二百甲士。從主傳諭。可望未意。朕已悉知。今日晡矣。
須明日。可望入。竟局促中亂。不知所云。成禮而出。嘆曰。吾
見此。公未免。氣盡。嘗請國寶至其城。王曰。姑與之。令中書
捧出。可望猝索觀。中書曰。必齎設戒壇。而後觀寶。可望色

變曰。如是乎。中書懼。遂自縊。死。明日。可望。遽觀寶。忽雷震。星角。如欲臨其首者。可望驚。使人護寶還。

壬辰永曆六年韓定武七年春正月。主在安龍。原任叅將楊崑

先是。間走南寧。奉空勅。潛號召三吳兩浙之間。至是事敗。

原任徽寧道楊卓然。原任尚寶司卿耿章光。原任嶺北道

萬曰吉。教諭蔣思宸。萊州生員滿巽元等。咸以與名死。二

月。李定國師出靖州。與鄂國馬進忠等。至湖南。連破靖沅

武岡諸州。戰北師黃沙。頗捷。殺北將李養性等。壁大榕江。

可望疏請封定國為西寧王。劉文秀為南安王。定國以出

可望意。独不受。與定南王有德復戰嚴關。定南將李蝦頭

發天會定國軍中砲發兩斃。有德勢大促返保桂林。秋七月之二日，定國圍桂林。有德親登觀壘，怯定國據近隙，舉止失措。定國用象戰，崩其門。有德殺其妻，舉火自焚。死。定國俘其子庭訓，以歸。獲叛將陳邦輔父子，割其皮為寢具。於是平嶺南，柳、苒、處、傳、擢、定。北將線國、安全、蔣、苒、皆警去。梧、圍、亦、解。八月，定國兵入楚，至湘潭。南安王、文、秀、以可望命，協都督、白、文、選、護、四、川、戰。北師平西王、吳、三、桂、于保寧，大敗。可望奏奪文秀公爵，令以功贖定國。復衡州，可望復辰州。定國矯不奉，可望東西。

冬十一月，北師敬謹王以兵援楚，過洞庭，守將馮雙鯉怯。

定南王白買
始名振明

避入可望軍定國戰衡州敗績走竹山敬謹追之定國軍
返射洞敬謹喉北師潰軍中得敬謹遺廬始知之
癸巳永曆七年韓定武春北定南王姑振明與白買鼓其餘衆力禦定
國定國釋衡州退武崗保永州文秀攻常德不利還守雲
南時桂林聞定國退去布政使蔣先達按察使徐定國與
鎮將徐天祐等咸棄城走久之北師不至先達定國等復
入守之已而北師縲國安兵次城下桂林復不守可望以
定國失事召之定國不赴可望還貴州殘宗室戮盡
甲午永曆八年韓定武主在安龍大窘走密詔擬定國為
晉王連迎駕文安侯馬吉翔贊其事擅執閣臣吳貞毓等

及太監張福祿全為國共十八人俱坐死定國方銳師間道疾馳東粵直指肇慶襲清遠北師堅壁以老必定國完師退再援平樂退保南隘復攻桂林不利

乙未永曆九年

韓定武十年

春主在安龍開科取士得劉蒞錢

秉鐙等八人

楊在李來羅龍甲姚子莊金弘猷楊致和

定國以雙鯉為先鋒疾

下高雷廉三府攻肇慶不下困新會順德數月援兵至敗

歸并棄南寧即安龍護駕三月駕指滇南劉文秀時為可

望守滇倡諸臣迎駕盡收可望護衛封定國為晉王文秀

為蜀王艾能奇子承業為鎮國將軍管延安王事白文選

為鞏國公王尚礼為保國公王自奇為國公賀九義為

保康侯馬吉翔以文安侯入閣辦事。隨遣使召可望不至。送其妻子歸黔。可望叛。兵次交水。文選不戰內款。封文選鞏昌王。可望大敗北歸。定國守貴州北拒。拒。丁酉永曆十一年。韓定武主在雲南北。師五萬臨貴州。空其城以歸。至因可望所建府第于城之五華山。高睥昆明池。上黃龍蜿蜒來朝者三。主拱手謝城有圃。稱上林異鳥畢集。命保康侯賀九義漳平伯周金湯東守南寧。墟戶。牖馳封鄭成功延平王。晉張煌言兵部尚書東閣大學士。更晉延平為朝王。不受。冬十一月九義以兵破橫州。還守南寧。

戊戌永曆十二年韓定武主在雲南可望構孔世子庭訓

為亂事不就北降表猶稱明主若曰欲連大國報仇云云

得封為義王滿較出協平西王吳三桂營雲南遂陰通於

可望所親為內間納北師定國與馮双鯉扼守盤江沙白

文選守七星關咸敗績十二月奉桂主起永昌

己亥永曆十一年韓定武春正月之二日北師入雲南主

出走韓定武六日乃已二月主即騰越定國先護宮眷出三

宣依緬甸緬甸者明在服宣慰使司也宣慰使名莽猛白

碧主甚殺其扈從盡主不能堪

庚子永曆十四年韓定武主在緬時北平西三桂鎮雲南

冬十月三桂合滿師進次刺村馳諭緬責不得留主緬甸
用事錫貞懷異心

辛丑永曆十四年

韓定武十六年

主在緬定國從土司疏請幸其

營數至令部將祁通武以兵送駕閣部馬吉翔重遷緬懼

兵潛共北謀詭云有義兵在界且迎主上輕出被劫之滇

北爰將軍下二旗

正藍白奉命衛主

三桂尚緬疏捷不加偽

字二旗驚主儀表非常密期為變擬矯爰命伺擊三桂行

挾主大雲南時同旗陳甲者露之二月之廿有七日持法

空徐墮于城之東子萬見于是二旗咸注夜作頂有白氣一股冉半

空徐墮于城之東子萬見于是二旗咸注

諸扈後守室無一存者。惟吉王甲自縊以殉。晉王定國卒于徽外。定國子嗣興、文秀子震咸北歸。以之桂宮主長婚于章京乙母。其_其后送女見乙。禮節莽亂。引佩刀猝觸女死。旋自剄。而于是桂之年。禪于東寧。

論曰。天

辛丑永曆十四年
 官職至知府
 兵清共北謀
 北鎮河
 甘肅
 平章京
 平樹
 諸身

十六年
 知府
 兵在界
 北
 甘肅
 平章京
 平樹
 諸身

十七年
 知府
 兵在界
 北
 甘肅
 平章京
 平樹
 諸身

十八年
 知府
 兵在界
 北
 甘肅
 平章京
 平樹
 諸身

十九年
 知府
 兵在界
 北
 甘肅
 平章京
 平樹
 諸身

二十年
 知府
 兵在界
 北
 甘肅
 平章京
 平樹
 諸身

二十一年
 知府
 兵在界
 北
 甘肅
 平章京
 平樹
 諸身

二十二年
 知府
 兵在界
 北
 甘肅
 平章京
 平樹
 諸身

二十三年
 知府
 兵在界
 北
 甘肅
 平章京
 平樹
 諸身

二十四年
 知府
 兵在界
 北
 甘肅
 平章京
 平樹
 諸身

二十五年
 知府
 兵在界
 北
 甘肅
 平章京
 平樹
 諸身

二十六年
 知府
 兵在界
 北
 甘肅
 平章京
 平樹
 諸身

二十七年
 知府
 兵在界
 北
 甘肅
 平章京
 平樹
 諸身

二十八年
 知府
 兵在界
 北
 甘肅
 平章京
 平樹
 諸身

二十九年
 知府
 兵在界
 北
 甘肅
 平章京
 平樹
 諸身

三十年
 知府
 兵在界
 北
 甘肅
 平章京
 平樹
 諸身

罪惟錄附紀卷之二十二

韓主附

韓王本懿，係太祖第十九子。憲王松之後，世封平涼。崇禎十六年，李賊自成陷陝，王被執，間脫。適獻賊陷楚，其部將郝永忠者，景悍軍中，望永忠搖旗，輒奮。遂以郝搖旗著名。敵遇之震，及獻賊死，搖旗內款，獨奉韓王為主。自闕事壞，韓便稱尊。改元定武，嘗移書桂王，叙長幼，不稱臣。北抗保隕，西亂山之中，駐房山，自為號令。時李未亨據興山，歸州等處，劉二常據平山等處，王壹與其弟行二者，據施州。衛、聲、勢、遙、相、倚。及孫可望、歸、欵、安、龍、馳、秦、王、令、旨、招、永、忠、永

忠○答○東○稱○侍○生○某○有○曰○老○姪○年○來○舉○動○何○以○至○是○以○其○傲
多○不○恭○于○桂○為○鳴○鼓○之○詞○也○可○望○不○敢○還○讓○初○李○闖○下
一○隻○虎○李○過○及○闖○威○高○必○正○舉○眾○南○逸○先○款○韓○王○不○能
有○乃○就○桂○林○兵○部○尚○書○堵○胤○錫○稽○首○受○命○

壬寅定武十六年北師總督李國英以闖中勁旅當房山而鼓其全力困來亨房山得完

癸卯定武十七年來亨被圍棄七連保潭家寨永忠與二虎合力從來亨北禦大戰四晝夜北協湖廣之師大挫已而巫山不能守先敗房山旋敗韓主不終

論曰六天